

明詩綜卷七十八

小長蘆

朱彝尊

廣陵 楊文鐸 緝評

錢秉鐙

三十首

秉鐙字幼光桐城人後更名澄之字飲光有臧

山閣臺田間集

靜志居詩話幼光禁閭潛蹤麻鞋間道或出或處或嘿或語屢變不窮要其流派深得香山劍南之神髓而融會之

集蓋深取之矣昔賢評陶元亮詩云心存忠義地處閑逸情真景真事真意真田間一集庶幾其近之

效淵明飲酒詩

四首

寄生大塊中何者為我故譬如逆旅物暫有安足據在世雖百年畢竟舍之去臨去豈不戀戀亦不得住所以

達觀人澹然隨所遇委順生死間不厭亦不慕日飲一杯酒可以全此趣

宣聖防酒困周易凜濡首但云不知極其辭亦無咎大哉二聖人未嘗斷我酒如何學佛人不許杯入手還言破此戒諸戒亦難守我心任自然本無戒可受方其酣

醉時虛空一何有試問學人心有能如此否

芸芸萬物化各各復其根其根果何有出入豈有門昔人推太極無乃荒唐言吾生本無受沒去亦無存于中何所見而辨明與昏不如隨眾人與之同渾渾

人生求有道仁義固其端吾不知仁義惟求心所安仲尼困陳蔡微服亦不難登壇却萊夷鋒刃還相干豈不

明詩綜卷七十八

惜軀命道在志以殫吁嗟保身語徒爲後世寬

田園雜詩

九首

夙昔慕躬耕所樂山澤居憂患驅我遠常恐此志虛十
載一言歸舊宅已焚如嗟我昆與弟茅茨倚廢墟徘徊
靡所栖還結田中廬結廬雖不廣牀席容有餘牀上何
所有一二古人書熒熒陂上麥青青畦間蔬日入開我
卷日出把我鉏

仲春溝時雨旣雨旋亦晴百草吐生意衆鳥喧新聲紛
紛群動出各各有其營孰是形骸具而懷安居情老農
憫我拙解輒爲我耕教以駕馭法使我牛肯行置酒謝
老農願言俟秋成

明詩餘卷七十一

二

一春勤稼穡草木荒東園今晨始芟刈逝將除其根良
苗常恐短惡草常苦繁腰斧伐荆棘用以衛籬藩荆棘
傷我手淋漓手中痕手傷不足道籬弱何以存家人挈
酒至滿斟在瓦盆勸我飲一醉頽然卧前軒前軒無人
來春風開我門

雞鳴識夜旦鳥鳴識天時東皋人語語我起毋乃遲攬
衣出門早且復驅其兒黃犢初教成我鉏子則犂犂鉏
豈不苦衣食道在茲道旁一老父鬻麩前致辭言兒筋
力薄稼穡非所宜詩書世所輕猶是祖父遺如何舍素
業自甘辛苦爲多謝老父意此意君未知呼兒且飯牛

吾去燒東菑

東園有嘉樹開花照昏曉一爲葛藟縈遂使枝條槁枝條既已盡葛藟縈未了我欲解其纏輾轉死相抱念此不能除斬斷乃爲好斬藤樹亦傷藤去樹以保今晨心目曠宿穢淨如埽樂哉嘉樹柯且復惜其老寄言種樹人此物去宜早

鄰舍有老叟念我終歲勞日中挈壺盍餉我于南泉釋耒就草坐斟壺盡濁醪老叟自喜飲三杯興亦豪縱談三國事大罵孫與曹呂蒙尤切齒恨不揮以刀惜哉諸葛亮六出計猶高身殞功不就言之氣鬱陶持杯進叟酒酒盡且舖糟此是異代憤叟毋太牢騷

屋上春鳩鳴田家穀始播時雨催我還倚鋤簷前坐牧童去未歸雨聲聽漸大時雨豈不嘉所慮老牛餓自往喚牧童牽牛入闌卧我牛旣以來我鋤行須荷田疇及時治况復雨初過亦知冒雨寒爲農焉敢惰

春天不久晴衣垢及時澣身上何所著弊襦及骭短家人念我寒一杯爲斟滿酒滿不可多農事不可緩奮身田野間襟帶忽以散迺知四體勤無衣亦自煖君看狐貉溫轉使腰肢懶

東家事詩書西舍勤稼穡本意在謀生所期各有得君看田舍翁男耕女能織娶婦旣以勤生子又得力焉知翁室豐今年大召客割雞秋極肥出酒濃如漆可憐東家子終歲不飽食夜愁兒女啼晝愁租賦逼天寒四壁

空相見無顏色從此識子孫決志耕不惑

夏日田家作

民生食爲本要在四體勤盛夏豈不暍良苗獨欣欣我
苗旣以長我草亦以耘南邨稻何早今晨已食新我飢
焉足慮且復乞諸鄰新米飯極香炊以名所親田家何
所名勞我作苦人汎汎冰中菜潑潑池中鱗雖無酒肉
味一飽忘吾貧

述懷

五月井水寒十月井水温陰陽潛變易智者窺其根而
况氣候移一往不復存古人有陳迹每爲後世翻如何
章甫儒猶守聖人言草木戀故株人心懷舊恩不如侯
旦烏能知朝與昏大運旣以然吾道安足論

明詩錄卷七六

四

贈胡處士星卿

惟我與夫子同爲學道人我亦無深嗜不能甘子貧昔
爲帝室戚今爲隴畝民抱腹聽鳴雞長夜不肯晨兒女
終歲飢啼號動四鄰故人貽斗米持以分所親哀哉此
高士不能營其身

雪朝偶成

林雀不聞譁竹牕旋已曙攬衣啓柴門藹藹見積素孤
烟弱不高野田微有路土畦高下白皓若宿羣鷺寒花
裏不舒麥色萋以布何處一聲喧驚此山鳥去

夏日雨後

好雨從風至炎蒸一以清雷聲驅漸遠雲氣斷猶行蟬
極楊林噪蛙矜草露鳴同時遭汝聒聽去各為情

既望汎舟酒盡索飲鄰人

澄湖秋後闊還汎昨宵船興好樽先盡雲開月尚圓擬
尋邨店酒空攪俗翁眠森森浩歌去青山絕可憐

水仙 二首

莖葉盈畦短根菱與石宜素華疑雪片絕豔是水姿影
在燈前好香惟夢醒知神清誰得似姑射耐寒時

千葉殊濃豔

宋人以千葉
為真水仙

吾憐六瓣單香中稱澹妙花裏最

清寒白映湘妃佩黃加道士冠常防酒氣逼不敢醉時
看

明詩綜卷七十八

五

移居南邨

租得橋西宅欹斜只兩間牕平秋後草榻對雨中山賓
客應難到吾人不易閒雙扉臨市井無事晝常關

穫稻

今年秋較稔隴稻一時黃得暇先完廩占晴早築塲雞
豚開柵喜婦子合邨忙即擬輸官稅寧期卒歲糶

菁茅

農隙爭乘屋秋晴趁好天葉紅堆處爛蘿碧補時牽免
濕齋廚火期安雨夜眠家人思換瓦此志慰何年

寄彭孔哲刺史

梧州城踞夾江沱亂後因君得再過津市烟銷殘竹瓦

山樓月落起蠻歌，飲除水井泉源少。候近桃花瘴癘多，
嶺路漸通人漸散，獨留高寺老頭陀。

曼公為僧註
錫雲蓋寺

金陵即事

秋山無樹故陵憎，幾度支筇未忍登。荒路行愁逢匹馬，
舊交老漸變高僧。鐘樓自吼南朝寺，佛燴還然半夜燈。
莫向雨花臺北望，寒雲黯澹是鍾陵。

五月江邨即景

長夏江邨未寂寥，莊家麥酒動相招。湖田水足嫌多雨，
草閣宵寒怕長潮。穉子采荷包雀鷓，居人下食引魚苗。
山邊早稻看將出，屈指嘗新一月遙。

朱子蓀別去有懷

明詩綜卷七十八

六

嘉禾亂後信全稀，忽過南邨叩板扉。笑汝纔完婚嫁債，
勸余莫著水田衣。雨淹塋寺花無賴，潮退湖鄉蟹正肥。
去日行裝知掠奪，丹陽何計買舟歸。

重過沈聖符邨居

涕淚驚看雙鬢存，吹簾猶是舊王孫。橋邊雨過初無路，
宅後人稀早閉門。古樹悲風鳴絳葉，空邨白晝易黃昏。
三更鬼哭多相識，腸斷誰招澤畔魂。

秋興

記憶雷峰日向低，停橈多在斷橋西。淺沙紫蟹銜霜出，
高樹玄蟬抱雨啼。度曲夜浮青雀舫，吹簫人壓綠楊隄。
可憐歌舞隨烟散，愁對吳山聽馬嘶。

顧絳 二十二首

絳字寧人崑山人後更名炎武有亭林詩集

詩話寧人早年入復社與同邑歸莊齊名兩人皆耿介不混俗鄉人有歸奇顧怪之日兵後盡鬻其產寄居章丘別治田舍久而為土人攘奪乃又遷于山西營書院一區盡取家中所藏十四經二十一史暨明累朝實錄插籤于架子嘗分書題其柱云入則孝出則弟守先王之道以待後學誦其詩讀其書友天下之士尚論古人然橋居日少暇輒周覽山川考古今治亂之迹證以金石銘碣著書盈篋其卷帙最夥富者摩域志也寧人沒後遺書悉為弟子吳江潘耒刊行獨聖域志散佚良惋惜詩無長語事必精當詞必古雅行山長老所云清景管中天地秋色庶幾似之

孝陵圖四十韻

鍾山白草枯冬月蒸宿霧十里無立樞岡阜但迴互寶城獨青青日色上霜露殿門達明樓周遭尚完固其外有穹碑巍然當御路文自成祖為千年繫明祚侍衛八

明詩綜卷七

七

石人祇肅候靈輅下列石獸六森然象鹵簿自馬至師子兩兩相比附中間特萃律有二擎天柱排立榛莽中凡此皆尚具又有神烈山世宗所封樹卧碑自崇禎禁約煩聖諭石大故不毀文字猶可句至于土木工俱已亡其素東陵在殿左先時懿文祔云有殿二層去門可百步正殿門有五天子升自阼門內廡三十左右以次布門外設兩廚右殿上所駐祠署并宮監羊房暨酒庫以至各解宇并及諸宅務東西二紅門四十五巡舖一費搜尋涉目仍迷磬山後更蕭條兵牧所屯聚洞然見銘石崩出常王墓何代無厄菑神聖莫能度幸茲寢園存皇天永呵護奄人宿其中無乃致褻汗陵衛多官

軍殘毀法不捕伐木復撤亭上觸天地怒雷震樵夫死
梁壓陵賊仆乃信高廟靈却立生畏怖若夫本衛官衣
食久遺蠹及今盡流冗存兩千百戶下國蟣蝨臣一年
再奔赴低徊持寸管能作西京賦尚慮耳目福流傳有
錯誤相逢虞子大獨記稜木數未得對東巡空山論掌
故

天壽山六十韻

成祖昔定都乃省茲山陽羣山自天來勢若蛟龍翔東
趾據盧龍西春馳太行後尻坐黃花前面臨神京中有
萬年宅名曰康家莊可容百萬人豁然開明堂維時將
作臣奉旨趨傍侑盛德比霸杜宏規鞅灑邛雷電驅玄

明詩綜卷十六

八

冥白雲升帝鄉三光墜榆木窮北回輻輳駛駢金粟堆
寂寞橋山藏右獻左次景裕茂迤迤西旁泰陵在茂西稍
折南維康永陵在東南規模特恢張礪石爲玄墀丹青
煥雕梁昭近九龍池定依昭左方其制亦如永工麗踰
孝長慶居獻西隅德奠永東岡環山數千里松柏參天
蒼列宗每駕朝百執恒趨蹌一年祭三舉侍從來班揚
詩追安世歌典與郊禘光天禍降宗國滅我聖哲王渴
葬池水南靈宮迫妃殤止無寶城制周巾唯塼牆下有
中涓墳陪葬義所當殿上列三主妃栗帝后桑田貴妃主
崇禎間所
立帝后主則昌
平州民立也問此何代禮哽咽不可詳麥飯提一簞棗棗
提一筐邨酒與山蔬一一自攜將下階拜稽首出涕雙

浪浪重上諸陵間裴回復彷徨茂陵樹千株獨立不受
戕門闔尚完具上頭安御牀自康以接慶小樹多榆枋
殿樓盡黃瓦透迤各相望康昭二明樓並遭劫火亡定
陵毀大殿以及東西廊餘陵半無門累甃仍支采尚存
宰牲亭暨外諸監房石人十有二袍笏兼戎裝六獸柱
則四制與鍾山亢跨以七孔橋峙以白石坊仁宗所製
碑苗萃當中央行宮已頽壞御路徒荒涼每陵二太監
猶有稱司香人給地數畝把耒耕山場春秋祭碑下共
用一豕羊皆云牧騎來斫伐尤披猖并力與之爭僅得
保界疆有盜貴妃冢斬首竿以槍於時姦宄民瞿然始
懲創繞陵凡六口六口各有兵一陵立一衛衛設屯與

倉居庸有總兵昌平有侍郎一朝盡散迸無復陵京防
燕山自莪莪沙河自湯湯皇天自高高后土自芒芒哭
帝帝不聞籲天天靡常誰充八陵使陳辭申此章

北嶽祠

曲陽古名邦今日稱下縣嶽祠在其中巍莪奉神殿體
制匹岱宗經營自雍汴鶴駕下層霄宸香閉深院曠賜
鬼目猙盤蹙松根轉白石睇穹文丹楹仰流絢肇典在
有虞望秩羣神徧時巡歲即暮歸格牲斯薦自此沿百
王彬彬著紀傳恒山跨北極自古無封禪賴以鎮華戎
帝王得南面河朔多彊梁燕雲屢征戰赫赫我陽庚區
分入邦甸告祈無闕事降福蒙深眷周封喬嶽柔禹別

高山奠疆吏少干城神州恣奔踐祠同宋社亡

時蘇祀移
渾源州

樓桑廟

大雪閉河山停驂阻燕界日出見平岡廟制頗宏大昭
烈南面尊其旁兩侯配陰森宮前木蕪沒畦首菜遺像
纏風塵荒碑委榛蒯痛惟初平時中原已橫潰跳身向
荆益歷險誠不悔終焉嗣漢業上帝居禋類獨此幽并
區頻在衣冠外不得比南陽何由望豐沛尚想舊宅桑
童童狀車蓋黃屋旣飄飄霓旌亦杳靄惟有異代臣過
瞻常再拜不及二將軍提戈當一隊

嘗熟縣取侯橘水利書

明詩綜卷七十八

十

神廟之中年天下方全盛其時多賢侯精心在農政耿
侯天才高尤辨水土性縣北枕大江東下滄溟勁水利
久不修累歲煩雩禱疏鑿賴侯勤指顧川原定百室滿
倉箱子女時昏聘洋洋河渠議欲垂來者聽自非經界
明民業安得靜願作勸農官巡行比陳靖畷澮遍中原
粒食詒百姓

贈人

楊朱見路岐泣然涕沾臆路旁多行人一南一以北南
北遂分手去去焉所極南指越裳山北適犂婁國同在
天地間合并安可得此去道路長哀哉各努力

寄江南友人

自昔遭難初城邑遭屠割幾同趙卒坑獨此一人活既
偷須臾生詎敢辭播越十年四五遷今復客天末田園
已停并書卷亦剽奪尚虞陷微文雉羅不自脫却喜對
山川壯懷稍開豁秉心在忠信持身類迂闊朋友多相
憐此志貫窮達雖鄰河伯居未肯求啣沫出國每徒行
花時猶衣褐以此報知交無為久惻怛

邢州

太行從西來勢如常山蛇邢洺在其間控壓連九河唐
人守昭義桀驁不敢過憑此制山東腹心實非他事已
遡悲風茫然吹黃沙乞食向野人從之問桑麻

述古

明詩綜卷十八

十一

六經之所傳訓詁為之祖仲尼貴多聞漢人猶近古禮
器與聲容習之疑可睹大哉鄭康成探賾靡不舉六藝
既該通百家亦兼取至今三禮存其學非小補後代尚
清談土苴斥鄒魯哆口論性道捫籥同矇瞖

夏日

首夏多恒風塵霾蔽昏旦舞雩告山川白紙催州縣未
省答天心且忘除民患黍苗不作歌碩鼠徒興歎仗馬
適一鳴身名已塗炭貝玉方盈朝此曹何所憚博士有
正先實趣秦時亂

過短亭拜李先生墓

人生無賢愚大節本所共蹉跎一失身豈不負弦誦卓

哉李先生九流稱博綜心鄙馬季常不作西第頌屏居
向郊垆食淡常屢空清修比范丹聰記如應奉力學不
求聞終焉老家術同時程中丞一疏亦驚衆玉璽安足
陳亟進名臣用中丞名紹德州左衛人巡撫河南時漳河苟得玉璽上疏
言秦璽不足珍國家以賢爲寶應當籍諸臣十餘人不納
遂謝病歸

歲暮

平生慕古人立志固難滿自覺分寸長用之終已短良
友日零落悽悽獨無伴流離三十年苟且圖飽煖壯歲
尚無聞及今益樛散治蜀想武侯匡周歎微管願一整
頽風俗人謂迂緩孤燈照遺經雪深坐空館

得伯常中尉書却寄并示朱烈王太和二門人

岱雲東浮日西晡下有畸人事鉛槧忽來青烏銜尺書
月入軒櫺燈吐燄別子三年斷音問敝裘白髮空冉冉
引領長晞函谷關停驂尚憶終南廣瀕行把酒送余去
重來何日當分陝腐儒衰老豈所望感此深情刻琬琰
擔簦百舍不自量可能再上三峰險君家賢甥與令嗣
舞雩歸詠同曾點尚論千秋品竝堪以吾一日年猶忝
期君且復慰離愁勿向流光悲荏苒

龍門

巨地黃河出開天此一門千秋憑大禹萬里下崑崙入
廟焜蒿接臨流想像存無人書壁問倚馬日將昏

自大同至西口 二首

舊府荒城內頽垣只四門先朝曾駐蹕當日是雄藩綵
帛連樓滿笙歌接巷繚一逢三月火誰弔國殤魂

舊說豐州好於今號板升印鹽和菜滑桐乳入茶凝寒
北思脣齒河東問股肱獨餘京雒叟終日戍樓憑

霍北道中懷關西諸君

苦雨淹秋節屯雲擁霍州蟲依危石響水出斷崖流驛
路愁難進山亭悵獨留遙知關令待計日盼青牛

嵩山

明詩綜卷七十八

十三

位宅中央正高疑上界鄰石開曾出啓嶽降再生申老
栢搖新翠幽花茁晚春豈知巢許窟多有濟時人

劉諫議祠

在昌平舊縣今廢

早囊青史漫傳名白日黃泉氣未平自古國亡緣宦者
可憐身沒尚書生荒阡草長妖狐出舊驛風寒劣馬行
一自德陵升馭後山河祠廟總淪傾

禹陵

大禹南巡守相傳此地崩禮同虞帝陟神契鼎湖升空
石形模古墟宮世代仍探奇疑是穴考典或言陵玉帛
千年會山河一氣憑御香來敕使主守付髡僧樹暗巖
雲積苔深壑雨蒸鴉鷲呼家栢蝙蝠下祠燈餘烈猶於

越分封並祀鄙國詒明德
胙人有霸圖稱望古頻搔首
嗟今更撫膺會稽山色好
悽惻獨攀登

井陘

水折通燕海山盤上趙陘
權謀存史冊險絕著圖經
瞰下如臨井憑高似建瓴
壑冰當路白窯火出林青
頗憶三分國曾觀九地形
秦師踰上黨齊卒戍熒庭
獨此艱方軌於今尚固局
連恒開晉宗指昴逼虞星
乞水投孤戍炊藜舍短亭
却愁時不會天地一流萍

舊滄洲

落日空城內停驂問路歧
曾經看百戰唯有一狡猊

張綱孫 二十一韻

明詩綜卷十八

古

綱孫一名丹宇祖望錢塘人有從野堂詩集 毛

黃云祖望詩悲涼遠矯然不羣 蔡聖野

云秦亭詩輪囷結轡怨誰不亂有小雅之遺

詩話秦亭論詩謂少陵七律能用比興他人雖極工鍊不過賦爾以是

人皆賞其七律然不若五古之波瀾老成也其南北行旅諸篇尤為奇

崛方之西陵諸

子遠倫絕羣

古意

慘慘孟冬日北風吹林丘
飛雪覆中野山雀羣啾啾
佳入水一方路遠無方舟
有客從東來寄書言其由
一別十餘載未如意網繆棄
書溝水中水各東西流區區
不識察胡用慰離憂

哀舊廬

朝出西郭門一步一徘徊
道逢舊鄰里問予何所之
予

亦無所之將往北山岐五世爲君鄰一朝俱遷移兄弟
皆分散妻孥何所依矧復幼子亡棄置在路岐頃從家
中過不知有阿誰蘭桂摧作薪空餘零露垂風雨日飄
搖棟宇莓苔滋念我平生居涕淚不可揮

白竹邨

路盤白竹邨崎嶇探窮谷居人八九家林杪構破屋下
惟四柱立亭亭不附木仰視如鳥巢夕暝梯雲宿已防
虎豹害復懼麋鹿觸我行多彷徨不敢岐路哭哭從者勿
苦饑餐松毛羽足

小中塢

不覺虎穴過稅駕中塢裏山樓閣溪上朝夕得所倚古

明詩綜卷七十八

五

樹行蟻赤寒藤聚花紫攀厓嘯風前尋流行澗底松杪
駐移雲竹籜落壞几潭影布游魚水氣迷香芷野獫狝
蜂窠溪樵抱麋子弱蘿扶欹木崩穴藏竄雉直諧宿昔
心遊世自此始

武康縣

羣鷺起平田衆流匯大溪離離樹影出團團雲色迷我
行防風國麻鞵踰弱泥山縣習俗古二彘五母雞尚有
先民風桑陌陰依依日中市已過居人閉柴扉魚跳花
下浦雉飲竹間谿及此暢懷抱恨爲俗士攜

長新店

夜半戒僕夫侵曉冒寒色出門十里餘星光漸以匿聒

耳多悲風口禁鼻氣寒堅冰乃在鬚縮蝟改張戟少焉
霜日升照見沙路直稍稍生暖氣面東不敢仄所苦枵
腹行邨午未得食昨夜長新店土屋聊偃息千錢不一
飽何以增薄力

涿州城

曉霜不在地微白生牛背遙望涿鹿城嶺然沙磧內控
縹走其下壁立皆土塊此地古范陽甲兵天下最側耳
聞啼饑傷心自我輩野狼遇人噪蒼鷹攫雉碎生涯底
如此浩歎茲行邁

督亢陂

路有許善
心故里

已過許氏里迢遞出燕關南有督亢陂沿河路迴盤四

明詩綜卷七十一

十六

望棗樹林霜葉亦已乾土闢又沃美彷彿畫圖間始知
荆軻謀不成良足歎秦皇雖不死白日為之寒俠烈緊
千古哀哉太子丹再越白溝水層冰凍漫漫兩兒戲其
上投石笑我前我生不如子辛苦損坐鞍人從土壁行
鳥向平蕪還高陂下牛羊淺浦無波瀾不異故鄉適惟
見暮雲殘臨風幾回首去去心悲酸

雄縣

我行雪霏霏亂下卷花片長烟蔽史邨屯雲苦雄縣引
臂不得伸舉體時厭倦豁然臨大湖光曜森瀾漫長堤
四十里却立疑中斷五丈一板橋百步數石岸白榆火
不生古柳瘦已爛水邨繫漁舟柴扉叫沙鷗豈是魚君

陂還向松門畔默默憶高堂安得附書牘

交河

昨暮宿商陰野雞鳴不止僕人提煖湯推戶喚我起寒
色不可禁下坑燒蘆葦乾口嚼參苓束腰插鞭弭乘月
渡父河桂影自清洗不聞騎足響但聽流水駛日色早
已白曉光初帖水低視衣上霜細細吹波綺

晏城

小小古晏城西對華不注昔之晉郤克逐馬匝此處我
行實已懶解鞍歇薄暮鴟梟嘯其羣老烏守枯樹不見
古人迹斷碑委樵路手摸苔蘚痕字句讀未誤平仲之
采地緬然起思慕奈何千載後蕪沒如野戍相望有遠

明詩綜卷七十八

七

山恐是齊朝附

齊河

北河俱有名此是古濟水神禹不可作恍然疏淪理西
連汶上波東去長山尾所存兩故道至今流瀾瀾駐馬
野店門指顧城樓雉齊河雖下邑紛紛日中市滿篋木
棉花傾篋雪黎子階前籠鬪雞背距利如矢風俗自可
懷我意靡安止

石都寨

南走千餘里始登梁父山高下溪谷深石角向我攢往
往路絕蹤竟日斷炊烟但逢逃亡人徒走流水間瘦妻
前拄杖枯柳相攀牽弱女布裹頭兩足赤不纏見容生

着澀忽露桃花顏小兒卧竹筐其父高挑肩行李蘆葉
席寒暖不棄捐旣無糗糧備又苦木皮乾前後跡踵至
倦坐依沙灘告我秋大水國課不得完縣令日鞭責誰
惜行路難去住總填壑此夕偷苟安我聞黯然悲行行
淚如泉目慘石都塞腸斷小西關居者八九家頽牆無
門闌招我入土室板扉坐已穿食我夏麥粥未及久熬
煎豆牙代蕨薇荒茅當屋椽雖爲困苦劇腹飽亦便便
衆人頽倚睡我獨聽潺湲反覆思所遇不得終晏眠

泰安州

州南有泰山其勢何穹窿高高十八盤天門開西東絕
頂無字碑秦皇昔行蹤避雨不知處尚傳大夫松當其

明詩綜卷七十八

七

滅六國刈人如草叢七十二君前禪祀本有功後王無
至德頌言反不窮我來汶陽城巖巖在目中意欲叩天
孫上探青帝宮堆黎與散棗考此歷代封豈無虛美詞
錫福將毋同悅忽山靈降爲我揚清風朧朧夜半色先
開青芙蓉

新甫雄關

夜出見山火熒熒石閭岡急走新泰邑漢之東平陽迨
迨隔泗水霜坂五里長雖然水澤涸其流還湯湯逾波
經古道衰柳淒成行蕭蕭悲風生冢墓吹白楊石虎與
石馬跡是尚書郎始經新甫關蹀躞崔家莊人烟濕頽
壁饑鳥竄空梁厓脚苦不高潭水濺我裳何以慰行路

仰視天蒼蒼

路有兵部尚書王長公墓

蒙陰

夕宿敖陽邨朝行桃花溝東山八十里落月依林丘
俯午息蒙陰野店脫敝裘土人延我坐率爾意綢繆口陳
水簾洞上有鬼谷幽再獻雲巖茶色如白羅柔誇彼繭
網好紅絲信清秋艱苦養此蟲三時乃有收飢嚙榭樹
葉渴飲清露流日出虛幔張薄暮挑燈求赤蟻恐攢害
麻雀時啁啾土丸頻彈射風雨不得休男女賴苟活焉
敢視悠悠我起數數息注目清溪愁奈何三吳于錦衣
美遨遊

西山雷院

明詩綜卷十八

七

玉泉入數里深谷俱箐簷危峰皆却立鑿壁開雷院松
柏夾其徑仰攀藤蘿便入門瞻神像光怪非常見龍君
被彩衣老母掣金電左右列將帥熊身兼虎面三眼冠
兜鍪六臂持刀箭或如烏喙形背翅如羽扇此時當檻
捐彷彿風雷變我聞宋時帝構此丹青殿迄今五百載
春遊每歎羨宮闕在南山灰燼無瓦片狐狸騎石馬荆
棘布芳甸不及此遺構巍巍俯碧澗懷古正不足落日
聊消遣

觀捕雉

曉霜照原野披襟出戶牖偶值邨中人趨走在林藪喧
呼同捕雉張網布前後利刃斬密竹土塞深穴口草雉

忽竄出高飛過培塿拍手隨之去已落野田右衆人爭
合圍大索亦何有俱言暫歇息坐向墳墟守傍有空心
樹躍出一竹狗毛如蒼鼠色突破密籬走相顧不覺笑
不知還在否起身至溪邊亂草堆積厚低頭看草根此
雉藏其首

苦旱行

田中無水騎馬過苗葉半黃蟲齧破五月不雨至六月
農夫仰天淚交墮去年臘盡頻下雪父老俱言應水大
如何三伏無片雲米價騰貴人饑餓大河之底風揚沙
桔槔無用袖手坐林木焦殺鳥開口魴魚枯乾柳僵卧
人人氣喘面皮黑十箇熱病死九箇安得昊天降靈雨
擊莫挾未穀可播高田低田薄有收比里稍可完國課
不然官吏猛如虎終朝鞭扑疇能那

彭蠡湖暮泊

孤舟暮泊吳城岸大船滿載栗樹炭連檣竝櫓不敢行
黑夜懸燈守湖畔天明走謁睢陽廟殺雞灑血雞不叫
千人禱祀百人出聞說南風俱失笑

山居

朝雲起山南暮雲起山北只有山中人朝暮見山色

魏

壁十首

壁字楚白慈谿人崇禎中補歸安縣學生後更

名畊字白衣有息賢堂前後集

蔣駸問云魏子游意篇
幅之外洋然自得不以

願爾爲度 朱伯虎云楚白五古初摹漢魏云其得手則在景純游仙
支遁讚佛游行晉宋之間若五律純粗少陵離奇天矯難以準繩相格
徐禎起云楚白詩得力于漢魏而沉酣于謝仙之門遂升其堂與

詩話白衣僑居吳興別鮮山爲晉沈禎沈聘避地所居有渡口息賢遂
以名其堂其論詩云詩以達情情貴極其所至故樂必盡樂哀必盡哀
由唐以前諸家體不必相蒙而其爲至則一也學者各盡其途徑而入
入之愈深見其畛域愈廣恣睢淫佚于其際者久之乃始得其清澹之
樂故涉獵衆家不若專致一家一家之趣既竭而後馳而去之再適一
家其於一家猶是也然後古人之長見而我之長亦見余之於詩初無
矜飾務達其情凡博奕飲酒朋友酬酢以至山川風俗城郭之所歷覽
遺迹之所辨證雖然前陳有觸于懷發之詠歎以爲合於作不能自己
之旨此則余之所自道已故其中年專學
子美末年專學太白惜乎未見其止也

贈陸嘉淑

種豆南山下豈必連陌阡結交四海內豈必盛輜輶丈
夫貴適已汎愛奚取焉昔余鍊玄液抗襟大滌山情盼
如雲合今來期屢愆道遠日月邁苦懷慷慨言路險知

明詩綜卷七十八

三

騏驥世僞知聖賢美玖示良工展翫識其然伊余頑魯
質黽勉追不前應門閉重闔明燈曜芸軒新文遙有贈
贈子松柏篇

戲題施孝廉画山水圖歌

湖州画山水近推施之圻公車不上嘗游戲雖然不比
叔明與松雪秃筆橫掃殊有致淋漓磅礴生長風無有
一筆與人同當其得意時悄然超天工兩峰劈破華嶽
懸洪厓掌跡何歷然黃河西流白日動青柯北折紫塞
連恍忽秦漢封禪道中藏玉簡金泥篇坡陀更有長松
樹偃蹇倒挂層樓翠高枝礙青天低枝塌大地漠漠陰
威六月寒森森遠鳥秋毫利男兒貴適真胡爲落風塵

殘年憔悴戎馬際，旅食慘澹江南春。吾語施之圻，吾有
甬東細絹如雪白。勞公細寫蓬萊方丈三神山，無使大
小九州相斷隔。

醉歌行

姜大行
筵中作

明州布衣家已傾，幾載亡命乞餘生。縑縷百結脚不韞，
伶仃枯槁無人形。奔走東吳與西楚，滿城盡是商與賈。
各自全軀保妻子，搥胸何處訴愁苦。今年飄泊長洲來，
性命如絲更可哀。一餐飽飯襟懷好，輪心寫意傾深杯。
秋雨注牆螻蛄叫，菊花倒地金錢開。三盞兩盞筋骨活，
將醉未醉春姿迴。歡樂填填徹曉夜，何知曾繳徧塵埃。
姜生姜生不須慮，聖賢豪傑終荒苔。人生三萬六千日，
會當日日者。頭開富貴于我何有哉。

明詩綜卷七十一

十一

日出入行贈鎮江潘陸

白日如金盤，迢迢轉青天。夕沒虞淵朝復出，苦爾獨照
羈人顏。我欲長繩繫其影，誰能上結高高之青天。下結
冥冥之重泉。春花吹落斷腸去，秋霜蕭颯不可言。我與
汝曹日奔走，茫茫赤縣疲人間。才大世人皆欲殺，七尺
之軀那值錢。潘江如聽我言萬古文章置高閣，青蚨須
索五十千。天台瀑布插眼前，潯陽酒樓宜酣眠。那待好
鞍與好馬，纔指五嶽拂長鞭。海上白龜橫島去，倏忽已
過三山巔。金宮玉闕霄漢間，直與東王西母筵。

寄金俊明

燕子秋飛急野池蓮故紅江山驚歲隔衰老泣塗窮
斫桂憐宵月緘愁屬塞鴻親朋如有問爲報耳初聾

梅里宿屠壙宅

汝髮黑如漆吾頭白可憐
怱怱逢上巳袞袞話當年
月落吳關樹春深樵李田
明朝須解纜不放老夫眠

十五夜西湖舟中翫月

吾愛湖中月攬之清若空
分明青嶂裏獨照白頭翁
碧浪搖鴉鵲金笳起塞鴻
蟾蜍真可戀莫畏曉來風

十六夜湖上望月

今夜西湖月仍同十五圓
徘徊臨碧海依舊上青天
何處歌鐘起誰家珠箔懸
瓊瓏相望裏清嘯不成眠

漫興

八月水來沙背闊九月水來沙尾圓
太湖漁子且莫喜三尺黃魚不值錢

吳理楨席上口占調朱十下
變莫異朝來風
冬夜開筵白玉堂春風舞罷杜秋娘
情知燭下憐才子也遣分愁攪客腸

明詩綜卷七十八

明詩綜卷七十九

小長蘆 朱彝尊 錄

黃海 汪弘度 緝評

范路 五道

路字遵甫蘭谿布衣流寓嘉興門人私謚貞簡

先生有集

周青士云遵甫潛心性命之學不關佛氏偶然作云青

我嘗夜分坐仰天見北斗風吹百草頭月出萬山口牧雲和尚愛之欲

付以中拂不受海鹽張處士瑛白方講學硤石山遵甫謂其精明德格

物義有未安別為講鍊而示學者或以其未盡合乎朱子非之遵甫不

顧也其詩不費鍛鍊而出論之妍雅和平晚開靈蘭館賣藥長水市乍

愚乍智人莫測其所詣云 錢爾載云遵甫孝友性成自其父徙居梅

會里父母既沒以不得反葬蘭谿時銜恨崇禎辛巳禾中歲大飢人

相食有族弟思攜妻子鬻身以求活遵甫留之同飯糲乾怡然不以為

嫌此事人所難能也遭亂賦詩云東去大海一千里赤脚踏著珊瑚枝

足稱 警句

讀史

智伯祀已殄趙氏勢方雄士苟欲富貴匍匐歸其宮飲

頭諒不活殺身亦何功哀哉漆身人甘以殞厥躬乃知

國士心不與世俗同寥寥數千載誰能嗣其風

感懷

結交自童穉一朝成別離秋風吹古道露重霜葉飛留

君苦不能從君道已違海闊波潮多山高鴻鴈稀此衷

竟安懇庶幾君來歸

明詩綜卷七十九

一

靜志居詩話遵甫含貞履信博通古今賣藥市門行歌帶索由其見漆
故於憂淺識遠斯視惠淳昔人謂太丘道廣廣則不周仲舉性峻峻則
少納遵甫廣不混俗峻不污物發為詩文多見道之言裴子野之稱劉
居士也所修孔氏之學則儒者師之所明釋氏之教則淨行傳之所著
文集則詞人錄之斯言
也遵甫庶足當之矣

晚步

氣侵林木晚歸步自原田舊業愁中盡餘生亂後全人
烟孤壘斷衰草夕陽連何處悲銘動依然似去年

一丘山遠望

巒岼枯木響西風獨立懸厓望不窮白浪秋高漁艇沒
黃茅霜老野花空松門曉闢扶桑日雲漢寒飛絕塞鴻
更欲乘虛汎天末萬山開處一孤篷

屠昭仲云此遵南蹈海作也

春游曲

車圍繡幃馬銜鑣載取鈿箏閒玉簫欲試誰家新釀好
東風楊柳第三橋

韓

洽

二十四首

明詩錄卷十九

二

洽字君望長洲人隱居羊山有寄菴詩存

詩話崇禎之際言詩於吳下吾必以君望為巨擘焉匪特高節軼羣也所撰笑學測解釋訓考源足證說文長箋之誤

猛虎行

并序

蘇郡故無虎比歲數獲虎云自宜興諸山渡湖
而至擬古樂府作猛虎行

虎欲異羣虎舍山而渡湖自失嶮岨窟託身就菰蘆邨
落齊戒嚴鄰保相招呼耨鉏代戈矛勇銳當先驅爪牙
豈不猛其如處世孤奮鬪亦良久力盡乃告殂錦斑斃
野草割剥無完膚嗟彼田舍兒曾非卞莊徒何乃百獸
尊輕身死庸夫萬類固竝生所宅各有區一朝處非據
適足亡爾軀持此告羣虎毋若此虎愚雄長山林中賁

育孰敢圖

野田黃雀行

每每野田廣習習雀聲微飲啄豈或異性情能不違翔
集繞溝畎樂我禾稼肥禾稼雖未登西成今庶幾幡幡
野田叟羸拙無俗機猜嫌兩不作相向心依依有時爭
隴行先我後我飛農望飢石儲餘粒雀所希同在田中
生安知是與非

躑躅行

舟之有帆檣本爲順風設逆風亦張帆湖船技獨絕逆
來以順用其妙在曲折峭帆必斜張左右隨所批旋轉
分寸間向背遂迥別風來雖當頭我舟顧斜掣轉側以
背承風過自後撇帆勢從風歛船舫半沒減所恃旁版
垂故不至橫截斜行旣良久轉躑躅旋捩其塗稍紆回
其勢已飄瞥小水難迂行拘于勢狹劣大海太渺茫回
旋恐無節惟湖旣開廣諸山復省列是法獨可行雖險
無旣艱我來包山游其事始親閱巨舟數播蕩狂濤湧
如雪同行未習見驚悸膽欲裂我心自恬然壯觀殊可
悅古來處橫逆濟險賴明哲遜順無力爭所志終必徹
屈曲委蛇間大巧固若拙

沈烈女詩

婦道從一終風詩著共姜不聞在室女守節稱未亡當
年沈氏女許字黃于庚黃郎抱羸疾十九乃上殤女聞

哀且泣鬢髻縞素妝不復下樓梯惇惇守空房爺孃謀
改聘投繯自捐生急救乃得蘇日夕常周防從容告阿
女禽鳥必雙翔汝年纔十九前路正未央阿女謂慈親
百年豈久長死爲黃氏鬼不復累爺孃意欲歸黃室守
喪事姑嫜黃家日凋落旋復值姑喪號慟復衰麻長齋
事空王歷載二十八世變大倉皇家人遠奔竄閉門絕
餼糧從容死不悔全節凜冰霜黃家往迎柩同穴葬山
岡世道日頽敗四維棄不張匪惟閨閣中窺穴而踰牆
君臣朋友間反面殊炎涼側聞烈女風其能不慚惶以
此較諸彼奚啻梟與鳳媿彼懷二心所宜急表章雖然
聖人道中正斯可常律之以禮經此事實可商吾家有

兄女與此正相方所字曰顧氏一門有二貞三郎聘虞
女吾壻第五郎虞女聞壻死誓言不再更有母議別字
隨樓幾欲僵顧家遂迎歸所志乃得償吾姪實繼之信
誓由中誠二女竟同居食貧飮糟糠今將三十年高節
如水清當時壻沒後顧母來相迎女遂喪服往執禮如
嫠孀余力言其非禮文明且詳六禮苟不備貞女不妄
行惟茲六禮中親迎尤大綱雖聘未及娶夫婦禮未成
自稱彼家婦得無過乎情太過猶不及於禮俱有妨先
王制喪服恩義爲權衡未嘗一識面未嘗一聞聲恩義
其何居哭泣服衰裳婦人有三從在家從父兄此非父
母命自專非所當女子不出梱乃登他人堂共姬不避

大高節無與京猶言女不婦致惜于丘明况婦而不女
安得無譏評禮言婦既娶三月見宗祊婦未廟見死歸
葬女氏塋如何未娶者瀆禮相合并或言吳季札脫劔
挂冢旁彼以劔許人死而猶不忘况以身許人其可負
衷腸余聞無可答拜伏久屏營審思至再三請告諸貞
良女身與劔異身重劔則輕器物可持贈身不可自呈
同異誠較然何得相比量守節豈不賢過禮非所望割
股療親疾國法垂煌煌雖不加譴責不以孝子旌貞女
亦此例宜著為法程并作女史箴垂訓閨中娛余言非
過刻析理誠宜精豈其毀節義鄙性亦輕

言懷

四首

明詩綜卷五十九

五

農工與商賈是名曰四民四者雖異業皆以資其身未
有身不謀而可以治人奈何今世士所飾空衣巾沾沾
弄文墨垂涎要路津問之經世略棄置若浮塵達則誤
天下窮則老且貧身世兩相誤風俗何由淳法久乃滋
弊末師焉可循

古之兵皆農農富兵亦強古之士皆農農樸士亦良兵
農一以分家室無餘糧士農一以分耜無文章待哺
難為兵忍飢難為士分之則三傷合之則一理請告當
塗人治亂實在此

人人知愛敬天下無賢聖人人務耕織天下無道德六
經諸史外文字皆螫賊百家競紛紜聖教愈克塞勇哉

秦皇帝一火祛其惑

天地生我時子然惟此躬飢渴與寒暑百患來相攻我
無辟穀術口腹何以克又無革與毛可以禦霜風養生
各有待資彼萬物功萬物非我有一身徒空空持此問
彼蒼何道得不窮

宿堯峰壽聖寺寺舊名免水院

茲峰吳中秀何事乃名堯游侶爲余言在昔懷襄朝下
民苦昏墊聚族此山椒陶唐有遺風淳樸今未凋荒遠
弗可詳登陟聊逍遙土厚石亦雄曠行仍沃饒一巖特
險峻絕徑凌層霄幽崖集仙靈龍洞興雲颺暝投古寺
宿庭宇虛寥寥玉泉湛深碧飲酌心神調拂蘚讀殘碣
懷人想遺謠飢驅走荒徑菜禽響寒條晨光動石壁鐘
梵開烟樵振衣上危岡日黯情已超羣山互回伏俯仰
如相招蒼茫太湖波掩映長林標顧瞻橫天翼自晒枋
榆蠅

明詩綜卷七十九

六

訂友人春游縹緲

我思在何許縹緲湖中峰穿雲陟其巔浩蕩開心胸幽
壑出地底澗松偃虬龍嘗聞獨往客每與靈仙逢徐生
家莫釐隔水聞僧鐘兩峰近相望一葦能過從願言叩
草堂遂躡幽人蹤相將訪靈異布鞵隨孤筇山路梅花
開烟嵐晚逾濃扁舟儻乘興花水春溶溶

白石何粼粼清流亦混混輕舟渡前溪兩岸饒萑葦落
日秋風生停撓弔山鬼

一草亭為許南宮作

欲作草亭詩試問草亭狀草亭高幾尺草亭廣幾丈亭
名誰所題亭詩誰所倡何人常往還何景可眺望待余
到草亭言之始不妄

小魚

小魚長寸許杯水足自適置之几案間聊以供戲劇不
自量微弱似嫌所處窄一躍落泥沙將為螻蛄阮回思
杯中咫尺千里隔我今憐爾愚復爾舊安宅傳語戒
羣魚安分無求益

明詩綜卷七十九

七

利觜蠅

永叔賦蒼蠅具言可憎態猶幸無利觜不為人所畏不
知蠅之中別有利觜派蜂蠆雖有毒遠之斯無尋蚊蚋
雖侵人扇撲亦一快今此利觜蠅罪甚蚊與蠆其喙如
鍼鉤其性復狡獪忽去倏而來掩手不能逮平生未嘗
聞乍見頗疑怪蕘豎向余言是物出牛穢惰農與倦牧
一見輒飽嚼譬諸蛇虎然第為山澤害君胡遠市塵曠
野近此輩我心豈豎知聞之發深噁

龍母祠歌

龍雖靈鱗甲之物非人形何為人母產龍子或言子產
母即元或云龍去母尚存敝衣匄食行荒邨鄉人惡之

父母擯龍子思親來省覲龍入母懷母乃驚母翻因此
喪厥生豈非人龍本殊類母亦不能通子意子愛母子
母不知母既逝子子乃悲龍一怒忽然平地爲深池役
風霆走蛟螭築高墳葬母尸或言母非死從龍赴淵水
貝闕珠宮奉母居龍子龍孫盡歡喜神奇恍惚不可推
准見羊山塢裏巍然祠祠前一古柏滑澤無斂皮龍來
目如炬蜿蜒柏上如藤垂前此數十年父老猶見之世
間萬事無不有所以史策傳信兼傳疑但願神龍有神
禱輒應五風十雨無愆期高原下隰多稼穡受龍之施
報龍德子母千年長血食

石鼓歌

明詩綜卷十九

八

昌黎始作石鼓篇後來繼者相連延皆言字出史籀手
歌頌宣后中興年或言成有岐陽蒐事見左氏非周宣
揣摩時勢雖互異同在姬氏西京前尊崇謂是古逸典
直與雅頌堪齊肩我生未及見此鼓竊睹摹本相流傳
文辭脫落不可讀字畫譎詭猶能沿古人制書法有六
形聲意象非徒然及觀此鼓殊不爾文繁義晦徒枝駢
聖王制作乃如此武周遠遜秦斯賢若言此書籀所創
考文自是天王權下逮春秋戰國世同文之治猶星懸
况當盛時職太史敢變王制爭奇妍其他鐘鼎金石刻
蛇神牛鬼紛糾纏是皆秦皇漢武代古籍焚滅成寒烟
燕齊方士逞妖誕欺世惑衆談神仙或言培地得古鼎

或造圖識窮虛玄謬書偽器苟午出後人誤信何拘牽
古文雖廢有明據物象滿目陳方圓參之聖經及史傳
是非不啻如山淵誰能力闢謬妄說一掃昏霧開先天

為深慈上人題畫冊

上人示我画十幅烟水林巒紛在目誰拈彩筆為此圖
乃是練川李自牧上人之兄黃懋昭頃者與余論素交
自言今歲得一友李君意氣真吾曹信知李君故佳士
豈直丹青稱画史日來旅寓向禪房不惜揮毫呈妙技
師言冊中第九圖短垣修竹對浮屠仿佛慧隆菴內景
只多山色近城隅慧隆佳景吾曾識開門恨少青山色
故教化筆役神工移得峻嶒置菴側

周烈女

明詩綜卷十九

九

何家郎身病亡周家女心暗傷墨朱履縞素裳夜竊起
懸高梁周家女信節烈不知男女貴有別女道婦道相
殊絕雖許字尚未婚日未識何郎面足未踏何郎門女
兒之身父母身何為忍割慈親恩捐軀欲殉他家人舍
生為取義殺身為成仁非仁復非義自經溝瀆真無因
何郎母方卧疾朦朧曉夢中新婦奔喪來入室朝來聞
訃知女死心既悲仍竊喜昔日病今良已夢中語不足
憑若言女有靈雖死猶如生從來女子不出閫何得冒
禮私自行郎家來載靈輿生未偶死相於舟前忽躍雙
鯉魚雙棺權寄古寺居鄉人聚觀咸嗟吁上請當事旌

門閭背經瀆禮不可訓徒詫奇節驚庸愚在家從父嫁
從夫禮經明明不可踰願言正告閨中姝

石儔失去地理書一冊經歲覓歸作珠還篇次韻
和之

方術種種皆誑語相地之說害尤巨人世禍福本自求
豈有種麻翻得黍諉之天命已不然何況駕言地所與
著書欺衆徒紛紜智者誠宜付一炬古人喪葬有定期
宅兆雖卜有常處安有擇地并俟時停喪不葬歷寒暑
悖禮非分覬福澤致令死生胥失所起爭滋訟傷骨肉
平地無端成險阻願君悉屏非聖書修道致福咸自予
天經地緯亘古垂慎勿苟求別機杼

明詩綜卷十九

子

雪裏紅

籬落徧積素愈知顏色丹故非嘉卉列聊作野花看天
道存微物韶華惜歲闌芳心良獨苦誰謂不知寒

鐵馬

急響中宵發凌空鐵騎行不知風信至頓使旅魂驚當
世正多事吾儕方苦兵那堪簷宇下又作戰場聲

黃孝子端木萬里尋親

父子分殊域趨庭道路難間衝虎豹生死涉風端乍
識容顏在翻悲涕淚乾故園今共返猶作夢中看

張良椎

一擊或幸中扶蘇作天子劉項雖亡秦未必速如此

聞鴈

朔風吹鴈渡江干月白霜清響尚寒孤客幾回愁裏聽
故鄉何處報平安

王錫闡

三首

錫闡字寅旭一字昭冥吳江人

詩話寅旭博綜羣書尤精歷象之學創新法候日月食較密于前人撰有歷法歷說大統歷啓蒙解圖三辰儀晷諸書為人耿介拔俗詩亦不

沿時習

國有君

國有君不立太子立監國立子要當急奉迎立弟始知
重社稷社稷危君不歸社稷安君自還都門揖讓臣民
歡誰為謀主生讒言南城樹可伐東宮位可易復儲未

明詩綜卷七十九

十一

許已復辟哀哀萁豆煎何急

遣興

大木蔭數畝青蟲生其陰垂絲自相絡枝葉交受侵樹
影日夕疎蟲窟亦不深貪生戕厥本徒然飽飛禽

幽居

北牖微風度斜陽意獨醒寒溪沉鷺白夏木挂蟲青理
釣竿成曲為農具有經鄰翁尋舊約倚權渡前汀

沈祖孝

七首

祖孝初名果字因生一字雪樵又字雪漁烏程
人有湖干硯傭當泣陶年吟安下簾等集

詩話雪樵至性之士
詩皆從肺腑流出

擬孟武昌答元道州

并序

道州刺史元結作退谷銘指曰干進之客不能游之作杯湖銘又曰爲人厭者勿泛杯湖後獨作詩招孟武昌則士源可知矣疑其必有荅而未之見也因擬作詩以補之

君言退谷好令我移神情又言杯湖上坐見夜氣清白雲自來去明月照薇蘅湖魚躍波出山鳥相飛鳴江水漱絕壁斷壑迴春聲嗟彼武昌客一命羈塵纓退谷石峩峩杯湖水盈盈來游苦不早爲君矢平生

歸里

宿昔有故人意氣聊自厚五年生死塗沉骨或已朽存

明詩綜卷七十九

十一

者會面稀相見倏老醜上追喪亂端下道別離久陳說艱難中往往開笑口哀哉隔世人今夕復杯酒

感述

河海東北流日月西南行治亂會有數智者誰能爭干戈循道路豪傑從中生致身青雲端豈少韓與彭所貴能識時不在標英名南陽非三過沉志猶躬耕

于忠肅墓

不讀先生傳誰知社稷危中原無恙日少保大名垂獨定千秋業偏留萬古悲自來墮淚碣寧上峴山碑

翫月

月色仍無際長空失半輪關山初一鴈寇盜尚三秦已

近聞砧夜方悲落葉新
秋風蘇病骨擬作渡江人

蟋蟀

夜蟲啼不已向曉益啾啾
八月寒如此終宵恨未休
有聲寧待和無力自知愁
總值秋風裏何能遣百憂

無題

相見何由恨亦空
畫樓簾卷怕花風
枝頭葉葉今朝綠
苔上星星昨夜紅
西鳥有生多共命
春蠶無歲不同功
偶然閱罷昆侖傳
便欲焚香拜此公

戴笠

二首

笠初名鼎立字則之改今名更字耘野又字曼

公吳江人縣學生

明詩綜卷十九

十三

詩話曼公谷隱巖耕不入城府句如愁邊細雨孤舟遠夢裏青山故國
春夜雨聲中流水急東風陌上野花開眼是夢裏誰家地啼鴉聲中故
山處士遺韻

秋望

晴空浩無垠一碧淨千里有似至人懷
澄泓湛秋水寒鴉起半山孤飛不能已
蕭然萬感集四顧蒼茫裏

有感

老大徒傷事事非
三年客裏故山違
涼風動地迷衰草
白露侵人透葛衣
江漢數行鴻鴈斷
天涯幾箇友朋歸
凭闌盡日思佳句
西北遙瞻是落暉

彭士望

三首

士望字躬安寧都人有恥躬堂詩集

小姑山

昔日元道州曾運醉魚舫豈若茲石奇兀傲羣流上日
月與俱浴雷雨亦相盪樹無凡鳥栖檠共山僧養山產
苦節風波中獨立本無黨槩木

湖上獨眺

湖水尚如昨樓臺望已稀可憐相識燕猶向舊家飛

雨中寄山中人

漠漠湖天雨坐閒濃烟疎樹有無間懷人似共瀟湘遠

一點輕帆九面山

湯燕生二首

燕生字玄翼一字巖夫寧國太平人有商歌集

明詩綜卷七十九

十四

褚山二首

赤鑄山頭烏不飛朱衣曾此易青衣連營戰士爭投甲
古寺殘僧但掩扉姑孰湖陰俞騎失景陽樓下遠鐘微
傷心莫唱淋鈴曲未得生從蜀道歸
淚逐天風向北揮山僧指點舊重圍軹車東駐泉偏咽
代馬南來草不肥野老久知今日事侍臣猶護昔年非
延秋門外王孫盡司馬元戎自錦衣

張宗觀四首

宗觀字用賓一字朗屋紹興山陰人

詩話朗屋以王霸之略自許與朱朗諸齊名時號山陰二朗朗誦坐車繫獄朗屋號呼於所知斂重貲賄獄吏得不死既而論釋朗屋問之大喜誦夜渡江為盜所殺其詩
慨奇磊落樂府古風尤絕倫品

獨漉篇

獨漉獨漉高岸深谷豈不欲渡慚無車軸一解鴻生北野

翩翩南翔悲風四合亂我行藏二解普天同雲雨雪灑灑

念我故人躊躇中野三解天生快馬必有健兒士無知己

泣下語誰四解猛虎在山亦有人行一夫執志七國縱橫

代阮籍詠懷三首

朝雲發空山薄暮不顧歸曖曖結重陰白日沉光輝日

斜涼颺起飄飄西北馳念子永滅沒有何相還期寄語

世上人浮游安所依

灼灼樊中苔苦畏白日光太陽榮萬物念子何獨傷池

魚依水游飛鳥因風翔浮沉各異勢性情亦有方至人

明詩綜卷七十九

十五

齊萬圃大小以何量

麋鹿空山游壽命懸庖厨人生盛衰華結根在丘墟容

顏不常好懷抱亦區區悲風飄白日百年何須臾不見

柱下史骨肉沉山隅尊酒聊自寬為子立斯須

朱士稚六首

士稚字伯虎更字朗詣紹興山陰人門人私謚

貞毅先生有集

詩話山陰二朗具郭景純鶴上之才仗劉越石清剛之氣令假以年直

可凌類鏢謝陳剛子詩云越國山川出霸才二子咸以管樂自命誦明

折楊柳行

鷓鴣出雲霄黃鸝參天飛憤憤世俗間遠道隨所之一解

百川日以東日月日以西在生獲笑語何必故鄉依
遊盼不恒處所遇皆新知邂逅成歡悅及彼未生疑
行行過崇朝豈能若初期一去自參商克終有阿誰
愁來北上堂撫絃調哀絲清商變流徵莫怨他人非

解二
解三
解四
解五

怨詩行 二首

國亂治以猛民乃懷其刑稂莠既不除佳禾無由生報
虐罔或干孥戮垂章程漢術雜王伯故能致清寧徒爲
仁者言法亂國是傾明刑以弼教後世稱聖明

事間不容髮脫兔非可追機宜不在大所貴無失時若
以一朝宴便遺終身危是以天下士斷絕乎多私功成
以明決敗謀在蓄疑

臘月

明詩綜卷七十九

七

今年臘月歸未得獨在烏程縣可憐隔岸橫飛西塞鴈
前門數纜下江船高城哀柝兵戈側短布單衣雨雪邊
笑語逢迎隨契託故園何處淚潸然

寓揚州

淹留車騎引杯看獨上高樓愁未闌千里鄉關聞過鴈
萬家風雪醉憑欄天涯客子依人苦江上梅花倒地殘
莫道春來動南北故人尺素遠長安

與嵩菴宿普照寺梅花書屋懷寓邗諸子

普照堂前三樹梅天涯詞客過徘徊卷簾當戶分晴雪
倚檻層霄放酒杯漢苑春風江上隔揚州驛使笛中回

自憐遲暮逢花滿欲折瑤華幾度哀

吳 騏 十一首

騏字日千松江華亭人有顯頷集

吳六益云日千詩法隨意轉

詩話日千力崇正始其詩沈厚不挑

幽州馬客行

渴馬不擇水飢鳥不擇食健兒貧欲死那得不作賊

塞下曲 二首

固原城郭控西秦遠戍今經二十春家在洛陽城下住
經年不見洛陽人

四牡駢駢出玉門詔持繒帛賜烏孫爲言侍子今無恙
初在京師讀魯論

明詩綜卷七十九

七

少年行 二首

下馬同傾酒一尊侍兒匕首割蒸豚生平不著黃金甲
醉袒貂裘數箭痕

紅玉鞍橋碧玉驄樂遊原上柳絲風詔求季布今何處
只在三千奴僕中

讀史雜詠

販繒洛陽市恒受市賈欺關津征稅重折閱苦不支市
籍非所樂况復寒與飢相驅入大澤揭竿爲旌旗從龍
入灞上神器忽以移南面據茅土成績銘鼎彝人生非
困窮孰能履危機安危在反掌詘申難前期寄言倚頓
流終無封侯時

送別陳皇士王雙白

西風吹孤鴈嗷嗷多哀音張燈對離觴愁思故難任與
君雖異縣纏絲結中心願采芙蓉花爲君製衣襟願琢
荆山玉爲君備華簪願折若木枝爲君斲鳴琴微誠苦
未致驪駒何駸駸疎星燦河漢殘月下北林攜手立斯
須厚意比兼金相思各自喻滄海未云深哲人重名節
歲寒心所欽高義良不渝在遠匪難誌

寄許子山

望爾歸吳下仍聞到洛陽多才應自惜信美豈吾鄉北
望雲千疊南來鴈數行客衣殊可念昨夜有微霜

苦雨

明詩綜卷七十九

十八

石罇泉俱發湖田岸不通侵堤初作浪仆樹更兼風溟
溟千邨黑微茫一火紅烟波歸櫂晚獨立羨漁翁

和張昊東秋圃閒吟

暮雲收盡楚天青銀漢瀉寒玉露零誰伴孤臣雙淚落
夜深殘葉下空庭

鬼語

茂陵枯柏自嘖嘖露重珠襦馬上寒獨與銅人相對哭
淒涼殘月下金盤

朱鶴齡 二首

鶴齡字長孺吳江縣學生有愚菴小集

詩話長孺說經鑿鑿長於文疏之學所擬毛詩通義尚書現傳禹貢堂
注左傳日鈔發明宋儒集注集傳所未及顧不甚傳惟杜甫李商隱佳

注盛行於時松陵文獻稱其遺落世事晨夕一編行不識
路塗坐不知寒暑人或謂之愚因以愚庵自號蓋實錄也

廣志詩

溪流湯湯下田得魴網罟既設淵魚知藏棗實離離蒺藜間之阪田自美奈何不治蘭艾同榮望秋則藁雖在束薪終是芳草日出日入皇皇宮庭含精吐景爰保吾生

感遇

薇蕨苟可采何必在首陽清流苟可汎何必在滄浪至人處委蛇守己非一方直木寧見伐芳蘭寧遂傷縱志游霄漢俯仰隨翱翔

歸莊三首

明詩綜卷二十九

十九

莊子元恭崑山人有恒軒集山游詩

詩話恒軒好奇世目為狂生善行草書嘗題其齋居柱云入其室空空如也問其人蹶蹶然曰鄉鄰傳之謂可入啓類錄其名字屢更崇禎中忽請于學使者改名作明自是以後或稱歸妹或稱歸手來表字或稱元功或稱園公或稱懸弓恒軒其別號亦號普明頭陀又號塵鑿鉅山入沒後女婿金佩韜其遺詩及文名字一從其舊焉侃處士俊明子能詩画亦隱居不出

游石公山

昔年游石公困頓不賦詩今來登臨罷援筆狀其奇龍渚絕流來遙指山之厓舍舟明月灣一杖尋湖渚仄徑數上下雲木相蔽虧橙橘雖未熟垂實方離離初歷歸雲洞石勢高且欹懸知陰雨夕霰黓繞四陲行過招提境岡巒峙參差雲梯落照臺所在恣娛嬉微嫌標題多反非洞壑宜絕壁數十仞仰首歎吟戲中為一錢天股

果步難移攀援僅得上俯瞰彌浮危五湖三萬頃波濤
堆琉璃青峰七十二羅列如奕棋豁然盪胸懷置身如
雲達山頭名角里水上呼鷗夷東行駕青蚪西邁驂白
螭翱翔帝座旁棄世忽若遺悲哉塵中人仙蹤不可追
下山憩石坂湖水激其涯可以濯冠纓可以垂釣絲老
僧指其旁石屋如雲垂深在太湖底大旱始見之探幽
得石梁水深不可窺有洞名盤龍蜿蜒復遷迤石上鱗
甲痕定非人工爲雙屐窮高深佳處輒栖遲頗幸筋力
強殊勝前游時僧房不禁酒入門索深卮一酌解飢渴
再酌忘勞疲今日樂相樂爲問同游誰山中兩比丘同
邑葛雲芝

入鄧尉山

我行入西山山谿涸無水舍船就籃輿旋轉三十里四
望梅花林不辨香所起夾道無斷續依山有層累彳亍
斷橋邊登頓深林裏飢飴固不辭日暮焉棲止疎鐘雲
際出循聲進屐齒玄墓吾舊游古刹無乃是老僧引前
路灑掃延客子入門問枕簟傾壺酌甘醴斯游無前期
當窮洞壑美湖山百里間登臨自此始

登嚴州城

嚴州州城高且堅東北直亘山之巔千嶂迴環失朝旭
萬家稠疊霏寒烟浮圖雙立自俯仰江水一帶遙盤旋
我行從此恣登矚心畏猛虎不敢前

陳三島九首

三島字鶴客長洲人有雪圃遺橐

詩話鶴客志士所居蓬戶席門而求友若不及中懷孤憤恒露于眉宇之間其詩初神游于大樽後心折于翻語華整之間以清商變徵之調惜乎早逝未盡其才

贈魏允袖

子春刺船去伯牙鼓素琴羣鳥相鳴號海水為陰沉寥寥千載下四望無知音朝歌猗蘭操暮歌梁甫吟抱膝一室內俯仰增悲心孟秋涼風至颯然吹衣襟

出門

出門何所之茫茫使人悲俯視江澗流仰觀星漢垂舉世趣荒淫我獨無因依采苦充飢腸其味甘如飴存亡

明詩綜卷七十九

三

且不恤毀折何所辭窮塗共抵掌俠骨輕流離揚旌建枹鼓舍矢貫熊羆躍馬出戰場決死夫何疑繾綣戀妻子壯夫所弗為

同顧茂倫對酒有作

盈握寶燕石遺棄荆山璆束芻飼駑馬驟駟困道周窮達各有命智勇難自謀飄飄閱年歲坎壈生百憂黃金一散盡骨肉誰見收雖有命世才蹇步悵夷猶烈烈嗚悲風蕭蕭吹敝裘飲酒不自快拔劍逝難留仰天長歎息揮淚別故儔

雜詩

引領望閭闔白日何蒼蒼同心乃離居隔越成參商憶

昔夢乘雲凌風過，
汚陽頃刻千萬里。
飄然在瀟湘，
陳辭就重華。
摳衣上玉堂，
處妃吹參差。
玉女奏霓裳，
婉孌相攜手。
沉歡不可忘。

川扇

險絕蠶叢地，
繇來宮扇傳。
大都白帝竹，
盡用錦官箋。
出匣風初轉，
垂綸月半圓。
人間遺玉柄，
猶是漢宮年。

盤龍

開簾方過錦，
刻燭進盤龍。
玉樹低宮月，
春風度苑鐘。
霓裳昨夜舞，
垂手昔時容。
寂寞昭陽殿，
還應白露濃。

白門寒食

每逢節序益堪悲，
栗杖過頭強自持。
水閣孤舟諸弟隔，
春深斗酒故人遲。
行厨拒殺停新火，
廢苑榮黎發舊枝。
欲上風香高閣望，
石城密雨正垂絲。

山中逢王雙白

攜筇獨步避青苔，
悵望南峰烟霧開。
半岸夕陽長笛起，
滿山落葉故人來。
天空孤鷺飛橫渡，
日暮飢鷹下戍臺。
握手相逢難即別，
關河此日重徘徊。

登湖州城樓

白蘋洲上晚峰晴，
峴北蒼南百里平。
湖口寺從雙樹出，
城陰潮自五亭生。
春歸井邑桑榆暗，
雲散溪山鳥嶼明。
擬向烏巾沽宿釀，
故人迢遞若爲情。

餘 三首

晟字禎起一字損之長洲縣學生有陶菴詩冊

魏冰叔云禎起吳門隱君子其詩頓挫沉鬱幾與古入方駕即使辭有未工必不稍有矯飾以自害其性情詩話禎起交情真挚困悞無華詩皆自逆性情雖以陶菴自稱不盡規撫粟里

上山采薜蘿

戚戚遠行邁悠悠芳草深芳草亦何思感此懷春心懷
春苦離別邈若雲漢沉聽彼晨風鳥隔林振好音雌雄
相鳴和顧盼同高岑驚颺無失侶歸雲有定林如何形
影弔不獲偕飛禽采采上山去賤妾長苦吟

秋夜讀書

開秋滌煩疴暫息桐花陰抗言懷往昔大雅力不任秉
文溯漢魏禁使流俗侵古之風騷徒皆知天地心落魄
草澤間哀怨遂以深感物懷殷憂濁酒聊自斟來者日
以促升者日以沉蟋蟀鳴我堂中夜起悲音微風吹羅
袂明月輝前林先民不可作厲志登高岑

題昭明讀書臺

地有昭明蹟山因虞仲開千年圖畫裏登眺幾人來故
國江花發春城海燕回年年孤嶺月偏照讀書臺

明詩綜卷七十九

明詩綜卷八十上

及爾吳者贊觀車玉小長蘆自朱彞尊節錄色玉賦聞

吳山春望味聚千武林 裴瀾生 緝評

談 遷一首

柴紹炳 遷字仲木一字觀若海寧人

不熱

靜志居詩話仲木留心國史考證累朝實錄寶訓博稽諸家撰述於萬曆後尤詳號為國樞中年燬于火乃復沈思強記覆閱羣書詢之故老墨枯筆秃飢不及餐晚克成編南都議上景皇帝廟號曰代宗一時以為當仲木獨以為非有友五人五言辭雖未工有關典故特錄之

蘇冊答友人問景皇帝廟號

成周作謚法大小行乃傳公旦暨師望肇制自聖賢相

古后皇陟南郊必稱天易名典克慎敘法宜精專漢後

避帝諱臨文率拘孿唐以代易世宋以真易玄其文雖

明詩綜卷八十

或殊其義則一焉景皇承大業即昨凡七年多難固邦

國文武要略全屢遣奉迎使事况禮罔愆及乎裕陵返

黃離位南偏初非囚堯城奪門言何編梁瑤策始建張

懋冊用宣廟號猶未備何以垂簡編禮臣失不學代乃

居世先相越僅五世文義詎可沿謚說十五家秉禮恐

不然盈庭以為是橫議臣談遷

柴紹炳一首

紹炳字虎臣錢塘人

吳山春望和張子

及爾吳峰攬曙暉江南風景自依依雪消春色江湖闊

樹隱晴烟島嶼微故苑草生麋鹿上高臺花滿鷓鴣飛

誰知目送年華好腸斷登臨淚濕衣

徐繼恩 一首

繼恩字世臣仁和人崇禎壬午貢生晚為僧名
靜挺字浪亭有十笏齋詩鈔

錢塘懷古

胥丘西郭水連天慶忌孤墳落照偏
夜海潮飛白馬年年江月度烏鳶
越王臺榭愁荒草吳苑笙歌泣斷烟
七十二峰零亂後只今依舊采蓮船

沈謙 六首

謙字去矜仁和人有東江集

陸麗京云去矜少善溫李見華亭陳給事作乃循漢

魏之規舉踏初盛之風致其意貞而不溢其聲知而不流毛馳黃云去矜上湖漢渚下泛唐波操律比韻特見精妙

明詩綜卷八十

二

詩註西陵十子多以格調自高去矜兼采組行六朝故特溫麗

情詩

高臺薄蒼天日夕悲風興軒牕啓四戶曠望凌百層
圓景皎夜光文昌低玉繩拊劒發長嘯涕淚沾我膺
游觀以解憂彌令心蘊蒸慷慨進美酒安復計斗升
故鄉在東南馳情念良朋我亮無六翮焉得遽飛騰

擬古

崔嵬上北邙墳冢何纍纍珠襦與馬革共盡知阿誰朝
見烏鳶飛夕聞狐狸悲信誓匪不堅誰為同棺灰長歎
內傷心富貴亦何為

山居

昨辭郡邑游歸就田園居早穫既已畢比舍停役車天
澤幸不偏大小各有儲蒼茫十月交霜寒林木疎墟烟
暮暖暖落日照我閤牀頭酒應熟喚婦羅前除彈我匣
中琴讀我枕上書亦知爲農樂富貴復何如

石彭亭晚步

野徑愁行客危亭噪落鴉川虹秋抱日山鬼夜迷花塔
古郎當語碑殘最負斜桐魚焉可問博物媿張華

夜寄張祖望

憶汝空齋裏悲歌靜夜闌酒醒啼絡緯燈暗出豬糞落
木山牕曙明星布被寒漫憐作客久詞賦且江干

宿長春山

明詩綜卷八十一

三

琳宮寂寂啓牕紗誰把瑤笙弄月華春冷鶴樓珠樹雪
夜深風掃石壇花天門北望來真氣海色中宵見曉霞
欲覓長生知有地豈須勾漏采丹砂

胡介

介初名士登字彥遠錢唐儒學生有旅堂詩集

陸水修云彥遠古詩澹宕頓挫自有神韻近體在隨州黃州間

詩話新安程觀生仲孚奇士也好談王霸之略兼治青烏家言其持論謂人家葬吉壤出聖賢者第一其次忠臣節士又其次博學就徵以科甲爲最下嘗坐事繫獄當論辟先君子力救獲免恒下榻寒家學易於蒙難之後平生最契合者先君子之外與彥遠稱頌交所載漢唐以來易義動累百家同異紛綸條分縷解兩人皆好游亦皆無子彥遠自門諸徙宅一畝田暇與室人翁少君門內唱酬晚逃于禪年未五十而卒其詩不屑效西陵派謂吾輩吾意免俗而可矣仲孚有弟忘其名字立經進士譚公元孩之客死漳州也先君子請程君入闈扶其柩程君許諾先君子坐之堂上行四拜禮程君受而不答甫度梨嶺而程君病卒目不瞑子中表兄弟石哭之逆旅枕中得先君子書回視君目瞑矣此

又一奇
士也

答萬年少

蘭葉被芳洲，春花吹白日。平生此離居，懷子念非一。江
淮成阻修，合併喻琴瑟。會合曾幾時，春風送行客。

十五夜至江上作

夜是中秋夜，船隨估客船。塔凌青漢迴，月湧大江圓。節
序消行旅，關山入暮年。故園猶在望，獨立轉茫然。

蕪城訪龔半千

陋巷龔夫子，重來郭北尋。到門還倚柳，種竹未成林。易
失青山約，難消白日心。不須傷老大，絃絕有知音。

北還夜泊吳門

身從江北歸，愛看江南樹。烟樹夜冥冥，知入吳閶路。

清源道中

寂寂關山對，落暉平沙千里。旅人稀，健兒一騎投南去。
衝起飢烏掠地飛。

雨中懷陳四康侯東歸

楓落吳江客路寒，布袍江上思漫漫。孤舟一夜風兼雨，
人到嚴陵第幾灘。

西谿竹枝詞

三首

山行處處曉光開，十八溪邊載舊醅。有屋盡從梅裏出，
無泉不自竹邊來。

溪上女兒鬢蓬蓬，鬢邊滿插映山紅。逢人問路公然應，

指點前溪東復東

郎住前溪妾後溪采茶生小慣相攜月明各自提筐去
一縷茶烟隔竹西

沈蘭先 一首

蘭先字甸華仁和人

雜詠

末世好祥瑞朱草生殿倚五蹄為白麟一角名神羊長
尾稱騶虞華彩類鳳皇大僚揚雅頌小臣獻文章皇帝
千萬歲盛德追陶唐

查崧繼 一首

崧繼字柱青後更名遺字逸遠號學圃海寧人

明詩綜卷八十

五

補海鹽縣學生有澄清堂集

揚州詞

江都士女蕩輕舟傳說當時翠輦留二十四橋人散後
風吹螢火徧邗溝

陸啓宏 三首

啓宏字叔度平湖人貢生有賁趾山房集

詩話叔度論詩以杜陵為主臬然大陸才多少枚賦敏酒酣擊盃與會
所至累牘連篇亦不復拘格律也性最豪邁游金陵大會詞人于桃李
渡妓有呼延紅菊者武安人倚船牕謂女伴曰今日之集惜無兩岸芙
蕖君乃復治具張燕至則晚風拂席衍香襲人四座莫測其故蓋先一
日以善價購得百缸碎而沉之自是十四樓中奉為至客既而走京師
詩名藉遇寇亂歸里阨窮而死其友趨退之誅曰總君一身頓殊今
昔翻翻五陵蕭蕭四壁金散名成
人完代革聞者以為括其要云

送姜子宣南歸

與君結情好盼睐非一時疲馬惜同路倦鳥惜同枝自顧各飢寒誰能相護持夜來樽酒共朝起東西馳飄風吹浮雲聚散安可知客久思故鄉力往不復疑結鄰昔有約慎勿乖前期寒當共我寒飢當共我飢

高梁橋

冬郊未經雪殘葉猶戀樹山水入高梁涼涼橋下渡萬物靜相忘豁然領奇悟及此見夙心斜陽忽西暮

送王鱗長之襄陽

襄水東流入漢長大堤兒女踏春陽客心滿醉宜城酒不用登樓望故鄉

錢士馨

一首

明詩綜卷八十

六

士馨一名馭字稚拙又字稚農平湖人貢生有賡笈集

詩話稚農幼年儻勇不羈游白門與青樓妓暱欬挾之歸妓曰以君之才妾特箕帚宜也但觀君談論恨讀書尚少願以異日稚農恥之還里門假東湖僧舍以居夜讀昭明文選一沙彌前曰秀才年不爲少矣乃尚讀此免園冊邪稚農益以爲恥發憤研究經史多所撰述從來說周禮者謂冬官不亡散見五官之中故自臨川俞廷椿後多以意取五官之屬以補冬官稚農獨据尚書大小戴記春秋內外傳以補之君子以爲篤論晚入燕遇氣變著甲申傳信錄十卷頗不失實平生賦詩無多能遠時習

黃鵠

鴻鴈憂同羣終夜多彷徨鷺鳥愛其儔宿昔同相將何況雙鳳翻臨風欲分翔所賴詩言志可以陳離觴被之空桑琴淒其發清商歌管相與和聲絲益悽愴中心已如結何能使復揚聽此意不平改絃欲更張呻吟未成

曲淚下沾衣裳

甲申三月紀事

建章宮殿鬱蒼茫極目空餘複道長
血濺珠襦迷斷篋
露零銀樹覆宮牆
出莽惟有趙宣子
結客曾無秦舞陽
悵望衣冠在何許
橋山西是白雲鄉

彭孫貽

五首

孫貽字仲謀一字翬仁海鹽拔貢生鄉人私謚

孝介先生有茗齋集

王貽上云仲謀詩宏深奧衍窮變極奇

建昌城

白水橫官道青山繞廢城
餘民百戰盡落日一江明
露下秋菰斷管空野鶴鳴
僕夫已憔悴前路自相驚

明詩綜卷八十

七

自豫章上虔南

南上千盤路東風半月程
浮雲鄣子驛殘日灌嬰城
江色連吳楚溪陰變晦明
兵戈漫回首總是故園情

發南浦

渺渺西風引素波
片帆南浦入烟蘿
空城木葉驚秋早
故國浮雲帶鴈過
白髮暗生江月滿
青山無主夕陽多
天涯游子增哀怨
腸斷吳西囉噴歌

雞鳴

怪殺長鳴雞自謂知天曙
歸夢不分明又渡秋江去

聞鷓鴣

章水東流貢水西鬱孤臺下
草萋萋雲山萬里行應遍

山鳥空勞向客啼

吳蕃昌 一首

蕃昌字仲木海鹽學生

詩話仲木自肅次子師事劉念亭先生與海寧陳確潛夫桐鄉張履祥
考父講洛閩之學詩非專務卒時母喪未除遺命以衰經殮其從弟哀
仲居母憂過家卒於喪
次里人並稱爲孝子

初夏浴鶴亭即事

桐花初吐燕歸巢卷幔荷亭草樹文浴罷清池一雙鶴

雨餘斜照滿林梢

吳謙牧 二首

謙牧字衷仲海鹽學生有困勉齋橐

雲谷水歌

明詩綜卷八十

八

雲峰九十九蒼翠滿山松借問清秋月先懸第幾峰

我登湖上樓湖上秋風發蕩搖湖水光欲墮雲中月

吳統持 二首

統持字巨手嘉興府學生有危齋集

題画

古寺寂無僧山深寒更雨泉流暗竹中似覺有人語

題山居圖

移家避地入山深恨未藏名尚可尋喜得秋來黃葉下

不知有路到雲林

金蘭孫 四首

蘭孫字龍友秀水儒學生有鐵巖集

詩話龍友下筆不能自休間有合作

正德宮詞

月射牕紗映画梁芙蓉闕北鬱金香西宮今夜停歌舞
聞道官家宿豹房

天啓宮詞

玲瓏玉束繫鮫綃素腕雙擎碧玉簫萬壽山頭歌急拍
一聲聲唱雒陽橋

崇禎宮詞

雉扇乘雲啓鳳樓特宣命婦拜長秋賜來穀雨新茶白
景泰盤承宣德甌

九日風雨舟過長溪

明詩綜卷八十

九

白蘋風起冷荒丘小雨輕寒水國秋四海交游半飄泊
幾人憶我上重樓

李標一首

標字子建嘉善人有東山遺臺

詩話子建精於戎機戰略軍律營陣壬通諸書史閣部道韞辭為記室
見事不可為返里與魏吉士子一深契當吉士公車北上執手河干謂
子建曰子夢斜塘見茫茫一片土無復雞犬桑麻行後得無有變乎子
建戲曰君且富貴宜日中無人爾甲申吉士喪車還經斜塘子建撫棺
曰子一子一果妖夢是踐邪因慟哭失聲旁人無不流涕繼聞史公殉
節揚州渡江會葬其衣冠于梅花嶺歸而遠屐皆種梅賦詩三十首蓋
自託於西臺慟哭之謝參軍云

寄懷無塵上人

蒲柳先衰感鬢絲孤蹤不定益淒其十年結客家貧日
萬里懷人淚盡時渤海深龍卧穩江山秋老鴈歸遲

長天一望情無極空寫新詩寄別離

沈起二首

起字仲方嘉興縣學生晚為僧名銘起字墨菴
有學園錄續集

詩話仲方質敏讀經不沿傳注每自出意解聞者解頤年近三十始列
青衿有御史某按嘉禾偁坐自尊屬吏皆服栗謁孔子廟畢進諸生講
四子書仲方請說攻乎異端義拱而前曰太祖高皇帝曾說此章書御
史乃出位勿立鞠躬輕講方坐觀者肅然中年入東禪寺為浮屠非其
好也嘗擬撰明書謂明不亡于流寇而亡于嚴衛斷
自成化十二年秋始設西廠絕筆為晚節以窮死

謁泰伯祠

古廟當閭闔遺碑讀未休景陵乙卯歲知府况鍾修輪
奐今何在榛蕪更幾秋人情日涼薄至德竟荒丘

宿彭澤

明詩綜卷八十

七

帆影收南岸江聲斷不流秋高彭蠡澤鴈下荻蘆洲一
水天無際千山月上頭墟烟人語雜鄉思倍悠悠

吳系一首

系字方輪後更名宗潛吳江人補秀水學生有

東籬野人詩草

詩話方輪兄弟九人兵後存者率棄諸生不就試鄰壤隱君子相與往
還酬和篇章甚富於是方輪輯其詩為鸞鴈篇方輪第九弟輯其詩為
歲寒集是亦月泉吟社玉山雅集之流也

夢亡姪女有感

一女天何忌先兄脈竟殲可憐形旅夢猶自索香奩自
託心嘗媿來依鬼不嫌五年如昨日別淚醒時添

吳振蘭二首

振蘭字九畹後更名宗漢吳江人補湖州府學
生有南村集

於忽操 二首

於忽乎不可以爲其又奚爲竝坐而嬉吾安知其爲魑
雙笑而視吾安知其爲魅謂神姦可避兮神禹鑄以貢
金孰虞世事之茫昧兮經泗水而銷沉魑兮魅兮爾何
忘兮
於忽乎不可以爲其又奚爲輶輶之軸積羽折之孟津
之隄羣蟻穴之物莫不輕于所忽致今日之若斯嗟前
人莫之圖兮後來者若之何其

和孟東野審交詩

明詩綜卷八十

十一

枳棘初生時青青似柑柚滋養待成林芒刺傷我手結
交非其人不但初心負名義如日星斯人等埃垢君子
田中禾小人田中莠同畝而異根安得秋實茂寧爲管
華薄莫效蘇李厚厥初或依違鮮終誰執咎

吳重暉 二首

重暉字曉山後更名宗泌有西山集

經新市廢刹

破寺僧亡盡巢烏徧老松獨憐今夜泊月落不聞鐘

將移居題壁

淵明歸去來門栽五柳碧待得柳成陰主人翻作客

吳如晦 一首

如晦吳江人有今樂府

五人墓

尚公坐羣兒趨清流士當受誅周吏部灑別淚尚公聞
檻車逮吏部行吳民驚毛開府暗無聲較尉言尚公詔
嗟鼠輩勿聚嘯謂汝詔出天子尚公誰惡敢爾五人呼
萬人起緹帥血滴泥裏此五人良非愚慷慨死真丈夫
虎丘南廳以馳巍然者尚公祠祠未成冰山傾山南土
俄已平廢基下新碑樹巍然者五人墓

范風仁 一首

風仁字梅隱嘉興人

秋日邨居

明詩綜卷八十

十一

一川秋色淨蒹葭南浦風多日易斜越客夢隨江上雨
山城月照柳梢鴉蕩洲有曲翻漁譜蟹舍無人落藕花
新水滿湖間縱櫂市喧應不到農家

金 甌 一首

甌字完城一字寧武秀水人

春晚

竹杖筠車處處山游人日日看花還縱然紅紫風吹盡
依舊鳴禽綠樹間

朱 復 一首

復一名臨字淪六又字載陽嘉興人

七夕

城頭涼月到溪亭銀漢無光掩鵲翎可怪女牛終古渡
不愁化作老人星

黃宗炎一首

宗炎字晦木餘姚人有二晦山棲集

詩話晦木厭時流詩派之黜專學宋人講易獨開變奧力
辨太極圖之非禮法之儒措議不顧蓋囑強其天性也

屯溪至漁亭

竹筏清溪逆水牽魚游常在鏡中天夜深孤鴈驚船尾
日落雙猿抱樹巔九里十灘尤懊惱一程五舍尚遷延
胡麻赤米邨邨種翻羨山家墾石田

董 鑑 一首

董字子長會稽縣學生

明詩綜卷八十

十三

唐宮詞

羯鼓聲高舞袖長製成小管自寧王太真獨愛涼州曲
自出金錢賜要孃

詩話此詩曾刊入今詩粹及見子長妻本
改定覺詞意倍工詩所以貴推敲審酌也

朱用調 五首

用調字子彞紹興山陰人有固亭遺藁

詩話子彞五律原本襄陽太白故以跌宕見長誦之如食哀家梨
但覺甘脆七言如古祠老樹寒鴉集官路斜陽牧馬還亦名句也

江南曲

蓮葉南塘暗蘼蕪官路齊相逢弄珠客舊識浣紗溪
夜歌初變牆頭烏欲啼莫愁何處住言訪石城西

西陵望江樓送客

驛樓數去程臨別酒復傾幾日樓前柳春風吹滿城雲
帆忽遠去水鳥齊哀鳴浩蕩西陵路離懷若與并

送陳無名歸暨陽

歸去楓溪好千山如画圖花邊開板屋竹裏見晴湖送
爾惜芳草到時聞鷓鴣應憐浣紗石酒罷月明孤

鑑湖寄錫鬻

烟暖紅蘭新鴛鴦飛近人一壺如碧玉愛此鏡湖濱在
年二三月日日桃花春不減武陵渡欲邀劉逸民

秋夜奕喜宅送姚文初

曲池高館鏡湖偏錦樹黃花照別筵客醉暫同今夜月
鴻飛遙指暮秋天孤邨風起蒹葭岸故里寒生橘柚烟

明詩綜卷八十

十四

歸去正逢搖落後倦游寂寞有誰憐

張

杉二首

杉字南士蕭山人有集

詩話南士周見洽聞賦才獨
步詩篇和雅無傲志之音

苦寒行

玄冬涼節屆朱方寒氣侵天地自騷屑原野何蕭森長
晷麗北陸遠颼激中林白日澹無色同雲凝層陰履霜
知水堅集霰悲雪深空山號飢獸古木喧寒禽但聞落
籜響豈復流泉音朔風襲阿閣重裘苦難任顧此貧居
士短褐無完襟慷慨誰為語苦寒徒自吟

雜詩

翩翩雙白鶴飛鳴相徘徊朝發青田鄉暮入紫蓋陸良
辰忽已去雨雪正霏霏中路多艱阻不免寒與飢稻梁
非不甘常慮虞人機矰繳方交互禍患昧前期躑躅樊
籠間每令鷄雀嗤願言厲六翮努力慎高飛

戴鏡曾 一首

鏡曾字餘照蕭山人

香山

香山小而高側立太湖上鳥從澗底飛泉落樹頭響

魏方爍 一首

方爍字大方紹興人有問霞閣集

廣陵有懷故鄉諸子

明詩綜卷八十

十五

作客還依客思歸只夢歸愁連春草長意逐野雲飛自
是三江隔毋嫌尺素稀登高儻相憶應亦望斜暉

史 玄 一首

玄字弱翁吳江人

東湖雜詩

西望藏軍洞君王舊事非城空賓客散戍老甲兵稀香
徑埋幽草梧宮暗落暉山頭迷眺處白鶴自忘歸

徐 白 一首

白字介白嘉興人徙居吳江有竹嘯菴詩鈔

朱長孺云介白自鍾譚入門能不熏染其流弊一潘
次耕云處士詩幽冷刻深不肯蹈襲前人一字

詩話介白初師景陵詩派務以幽深孤峭爲宗後以
太湖落日賦見賞于陳卧子晚年持論稍歸和易

江上遇亦于大兄

自種愁回一寸腸更懼多難又他鄉與君一世為兄弟
只是相逢在路旁

顧有孝一首

有孝字茂倫吳江縣學生有雪灘釣叟集

詩話處士甄綜百家之詩開雕分校盛行于時賓至輒留江左有壘棗
孟嘗君之目由其胸無荆棘故月旦同辭晚自稱雪灘釣叟松陵女子

沈開嗣刺繡作雪灘濯足圖一經
裝池過江人士以不與題辭為恨

石湖曲

朝向石湖游暮向石湖游湖水明如鏡倒影橋外樓秋
來一串月處處漾輕舟了自不相顧清光樓上頭

周安一首

明詩綜卷八十

七六

安字安節吳江人有草閣集

顧茂倫云安節泊懷幽詩
曠武宗雪清音琅不滅

魚山仙梵潘次耕云處士詩辭百清
遠不激不靡外淡而中腴蕭然絕俗

游道場山

逶迤步崇岡奔迫下林麓至止歸雲亭秋花滿山屋修
廊聳基階清池間松竹青雲停幽牕白鳥下喬木昔聞
孫山人茅堂于此築高情屬雲天長嘯響巒谷一瓢常
自挂采采東籬菊雲卧三十年遺墳傷榛曲再拜酌尊
酒同調尚堪續逸氣振素襟清風來肅肅

文林柵一首

柵字端文長洲人有慨菴詩選

訪邵僧彌

入寺遙瞻閣外松到門恰值午時鐘不知精舍看山色
回到秋雲第幾峰

俞 粲 一首

粲字受子吳人隱居縹緲峰下自號洞庭農夫

有芥菴集

舟行逢雪圃出山

昨夜舟中行月冷秋江口濛濛蘆荻花欲埽愁無帚寒
山君忽遇共酌楓亭酒一鴈落長空帛書今在否君言
懷袖無合在佳人手

湯祖祐 一首

祖祐字取遙號桴莊吳縣人有五峰草堂集

明詩綜卷八十

七

道林菴看千年桂花 傳係支公手植

孤徑時獨行忽聞桂花發空香來無方境靜心自豁入
寺訪幽蹤古樹千年活夕陽步踟躕含情不忍捋

方其義 二首

其義字直之桐城人有時術堂集

黨禍

北都既陷賊南都新立帝宵人忽柄用朝野皆短氣魑
魅登廟廷欲盡殺善類忤者立壘粉塢者動高位麒麟
逢鉏商豺虎遂得勢手翻欽定案半壁肆羅織蕭蕭反
被誣趙鼎亦受詈直以門戶故忠邪竟倒置可憐士君
子狼狽竄無地我家為世讎甘心何足異冤死不必悲

所悲在國事先帝兒難保我輩合當斃仰首視白日天
聲一灑淚

夜泊赤壁秉燭游之

秋雲黯澹愁荒野孤舟夜泊赤壁下江月不出行人稀
四面樓烏啼啞啞欲眠不眠重秉燭曳杖披衣駭童僕
臨江把酒酌坡公獨飲一杯歌一曲曲終仰看天蒼涼
清風颯颯吹衣裳武昌夏口在何處白波萬頃空茫茫
此時星河亦錯落葦岸秋蛩鳴絡索登舟四顧夜無聊
酒醒不見橫江鶴

薛珩一首

新字楚材吳縣久有研山藁

明詩話卷八十一

十八

新嫁娘

有次應偷滴人前不敢彈縱令郎愛惜猶恐事姑難

王鎔一首

鎔字叔聞金壇人有病餘存草

馮衍

馮衍才華世絕倫時清主聖不容身江淹賦裏誰堪恨
獨有關門對孺人

韓畱一首

畱字石耕宛平人有天樵子集

詩話石耕善琴所操北音恥作妮妮兒女之語終身不娶游覽江湖以終今之牧犢子也五律清穩頗足名家

望天台

望裏天台近羣峰秀幾重迴看青嶂斷忽有白雲封絕
壁垂樵徑春泥陷虎蹤石橋今夜月應爲照長松

劉文焰 一首

文焰字雪舫任丘人新樂忠恪侯文炳弟有攬
蕙堂偶存

稽山客懷

江東風景近如何十里錢塘倚權過白髮每從愁裏盡
青山偏是客中多攢宮草沒冬青死禹廟碑傾古宇磨
獨有若邪溪畔女秋來猶唱舊吳歌

徐夜 一首

夜初名元善字長公更字東癡濟南新城人

明詩綜卷八十

五

九日得顧寧人書約遊黃山

故國千年恨他鄉九日心山陵餘涕淚風雨罷登臨異
縣傳書遠經時怨別深陶潛籬下意誰復繼高吟

張蓋 二首

蓋字覆輿一字命士永年人有集

詩話覆輿詩哀憤
過情五言尤高簡

客中送人歸鄉

雲沒青山頂風含白岸波離情秋更苦歸路雨偏多小
巷臨漳水荒林帶女蘿附書愁不達汝到定相過

同申鳧盟殷伯巖諸子集飲

屢宿陶潛宅今來得數公竹斜燈影外人醉雨聲中

惜歡娛異交緣出處同病軀先就榻應恕鹿皮翁

費經虞 一首

經虞字仲若新繁人有雅倫

思蜀

垂老無家只自憐不堪往事益淒然春來更覺傷人意
寒食青青麥滿田

車以遵 一首

以遵字孝思郢陵人有高霞堂詩集

蟋蟀

蟋蟀疏名異霜深在戶宜漸知牀下穩甘與草根辭暗
雨聞遙夜明燈避小兒那能驚嬾婦秋士但增悲

明詩綜卷八十

二十

張家珍 一首

家珍字璩子東莞人有寒木樓遺詩

哭馬

久失飛黃馬空餘血戰衣可憐橫草後不得裹尸歸力
盡猶追逸功高幾貴園年來生髀肉夢爾淚頻揮

云璩子

年十六從其兄家玉身歷戎行騎黃馬摧鋒陷陣馬死璩子哭之慟華
之龍門山中既十年所忽夜夢馳馬如昔悲鳴躡躑覺而為詩甲之

潘章 三首

章字更生吳江人有力田餘橐

賦得梅影

移席苔陰古橫枝偃自如笛中吹不去松下埽仍疎近
月孤香接當春積雪虛周遭三百樹入夢認吾廬

立秋

蕭瑟知秋早，明河看兩星。孤雲空外落，一葉病中聽。兔乍騰深窟，鴟將嘯近坳。鷹鷂宜順擊，仗爾刷霜翎。

荆卿

燕市悲涼擊筑旁，更需何客入咸陽。百金購得夫人匕，不敵無且一藥囊。

陳忱一首

枕字遐心烏程人

閱羅隱詩

餘杭山水役精魂，末世才人眼界昏。憔悴感恩依尚父，

可憐尚父事朱溫。詩中稱錢鏐為尚父

明詩綜卷八十

三

祝洵文一首

洵文字耆老，晚更名遼。自號山臞，海寧人。補縣

學生有影山樓詩集

夜集湯仁侯宅贈王元倩

故人相見倍相憐，別去追思便十年。亂後滄桑歡會少，老年身世感傷偏。婆娑枯樹今如此，唱和清歌久不傳。懷舊竹林餘向秀，山陽鄰笛意淒然。

談允謙一首

允謙字長益，丹徒人。有樹叢草堂集。

聞內臣述往事

潛邸曾親到，市廛民間物。價每留連，西華鶴炙前門鮓。

箸纔消半百錢

詩話崇禎初大官庖開應文物價薄帝詰內侍謂太浮且曰多鵝鴨
肉鮓在某肆市之錢半百耳內侍驚愕錄長益是詩足以徵思陵留心
民事之一端也

祁班孫 三首

班孫字奕喜紹興山陰人都御史彪佳子有紫

芝軒橐

折楊柳辭

上馬不捉鞭但折楊柳枝出門不垂淚但歌楊柳辭

宮中樂

春到六宮齊花深輦路迷昭陽歌舞殿不許夜烏啼

寄朱子彞

明詩餘卷八

三

日下江色寒雲山遠明滅高興憑層闌對景自怡悅方
當怡悅間忽焉愁如結言念美人居隔此烟波闊烟波
亦云遙思心差可越蕭蕭孤鴻飛肅肅寒風發鴻飛自
往還風來無斷絕儻能挂雲帆乘此江上月

魏允桺 四首

允桺字交讓嘉善人孝子學伊子有維風集

野田黃雀行

百草被路衢春風揚其莖本無歲寒姿青蔥會及時
翩田中雀飛不出藩籬爵羅布四方投足多危機壯心
而弱植感之良可悲鳳皇絕雲霓斥鷃亦笑之遨遊快
適意大小安所知

有所思

佳人邈難見遠在天一方
夢想覲音輝彷彿接容光
文犀爲君門紫貝爲君堂
珊瑚爲君枕玳瑁爲君牀
駕言我所思山川淼以茫
方舟雖利涉道遠不可航
何以寄相思篋中雙明璫

早秋游北園

朱明駕云邁涼颺發新秋
爰有同懷客招要出行遊
修柯交密蔭嘉木翳崇丘
時禽變好音雌雄鳴相求
綺疏結長軒戶庭一何幽
攜策登高岑揚舲眺中洲
芳荷映綠池游魚激清流
良苗亦懷風遠烟輕且浮
爲樂未須臾白日忽已遒
弭節薄虞淵丹霞夾重樓
聆彼蟋蟀唱聿爲良士謀
賞心寄所宣使我忘百憂

明詩綜卷八十

三

古意

蕩子戍龍城倡樓月白明
綺疏蟲網合碧瓦昔邪生
萬里金微夢三更玉杵聲
遙傳鏡吹入含笑下機迎

侯

靜二首

瀟字智含蘇州嘉定人有孝隱遺集

蕩安

倦客猶高枕朝帆入五雲

城外有五雲洲

櫂歌隨曉定城鼓及春

聞白雨江灘合青山瘴雪分
南康風物近猿鳥日爲羣

春游

亭午風爲盡出邨錫簫社鼓又黃昏
獨愁看到冬青樹

寒食梨花早閉門

王廷璧 一首

廷璧字雙白武進人

五月望夜同夫山禪師翫拜西湖

衆籟鳴蕭蕭微風來遠岑命儔理筇杖相將出青林輕
舟漾花漱孤月明潭陰湖堤北垞去高閣當湖心沉沉
水中景迢迢雲外音訪客不復值層軒恣憑臨眺望情
彌愴曠然懷古今嘯詠匪任誕山川發高吟撫襟有餘
慨靜言知所欽

丹生 一首

丹生字形寶一字山夫嘉善人

明詩綜卷八十一

泊潤州

昨朝發毘陵今夜宿京口片月照高城寒鴟上衰柳

明詩綜卷八十一

王廷璧

寒食梨花早閉門
王廷璧
五月望夜同夫山禪師翫拜西湖
衆籟鳴蕭蕭微風來遠岑命儔理筇杖相將出青林輕
舟漾花漱孤月明潭陰湖堤北垞去高閣當湖心沉沉
水中景迢迢雲外音訪客不復值層軒恣憑臨眺望情
彌愴曠然懷古今嘯詠匪任誕山川發高吟撫襟有餘
慨靜言知所欽
丹生 一首
丹生字形寶一字山夫嘉善人
明詩綜卷八十一
泊潤州
昨朝發毘陵今夜宿京口片月照高城寒鴟上衰柳

明詩綜卷八下

小長蘆 朱彝尊 一錄

于越 傅景俞 緝評

許友 四輩

友字有介候官人有米友堂集

諱志居詩話先生才兼三絕名盛一時虞山 最愛其詩錄之入吾文集要其篇章字句不屑蹈襲前人正如俊鶴生駒未可施以鞴勒

放鶴篇

子與鶴一隻親厚無間然近日恒苦饑人鶴兩可憐老
僧意惘惘投我詩一篇勸我縱遣之俾其返瀛壖予聞
情憫默招鶴立于前拱手與之別君今得遠還煩以詩
生貧試往海外傳長路多贈弋君當慎弓弦鶴亦白主

明詩綜卷八下

人世無如君賢予久服馴養多年伴林泉聞雞君嬾舞
著鞭讓人先獨我霜夜鳴君起聳寒肩長吟與子和月
落猶未眠前歲有估客自矜多腰纏購予以重價不惜
費十千意欲媚權貴籠致東廂偏主人拒之去義不受
一錢齋厨近蕭索休糧信所便不願入華亭不樂還青
田長依小池曲飲啄終殘年

龍洞

怪巖幾千古藤蘿挂其膝有洞可行人僅容六與七謾
謾聆秋風炎炎銷夏日雲從洞口歸 吾文集 水從洞口出

題洲明獨酌圖

黃花初放酒新香門巷蕭然意味長不管人間有風雨

先生高卧過重陽

作画

靈谷官梅放未曾石頭懷古不堪登無端縛就松鍼筆
画出青山是孝陵

孫爽 三首

爽字子度崇德人有甲申以前詩容養集

竹枝鹽

吳娃蜀女貫如魚官家行樂信有餘合歡只合青羊車
青羊車捷於馬彼美人竹枝下

太湖戈船

嘗讀眉山詩雅羨魚蠻子誰知五湖中漁樂乃過此竟

明詩綜卷八十七

二

如數畝宮曲房不見水雙舫截湖來橫網巨數里高眠
狎波濤天風聽所止長魚幾人搏尺許無足蓋鬻賣逐
自然通侯富可擬亦有童子師書聲到水市衣食既鮮
華絃誦恒清美雖有桑大夫差科未擾是人生老戈船
頭白何須恥

詩話子度戈船之作係太湖雜詠六首之一戈或作眾大編魏義占湖
西石磯自非風動天不開也峭帆六七道破浪而行曳巨網於船尾獲
魚多至于頭東望角里而止不能登岸吳興丘大祐竹枝所云即如湖
裏泛眾船逐浪隨風不到邊是已船人生子仍謀以書具束修延師白
金必三四鎰女子塗妝縮髻臂金跳脫拽蓬船中雞栖豚柳靡所不有
昔皮陸松陵唱和天隨自詡失魚之具窮極其趣竊疑兩公未曾觀此
其中漁具尚多定不止襲美所添而已

秋 日晏起作

風葉喧喧宿鳥露草汀晨光無營偶晏起杲日臨我堂衆

舟爭小妍貞脆分有常既得娛君子亦各全其芳時哉
歎遲暮孤節諒所當

吳嘉紀 五首

嘉紀字野人泰州布衣有陋軒詩集

贈程澎

末俗慕繁華衆人悅雷同城中與四方相效何時終
廣陵侈尤甚巨戶如王公食肉被紈素極意媚微躬歡樂
成憯愚不幸財貨豐我愛程仲子矯矯魚鹽中春草野
萋萋內有幽蘭叢何以別氣味君試臨清風

送吳麐

去年同送客載酒入菰蘆松柏露筋廟波濤覽社湖春

明詩綜卷八十一

三

風幾人到暮雨一舟孤明日孟城泊知君憶老夫

宿白末邨

黃葉樹頭下北風溪上涼邨孤愁獨夜人老適他鄉水
店飛螢入秋田晚稻香故林望不見葭菼暮蒼蒼

過史公墓

纔聞戰馬渡滹沱南北紛紛盡倒戈諸將無心留社稷
一坏遺恨舊山河秋風暮嶺松篁暗夕照荒城鼓角多
寂寞夜臺誰弔問蓬蒿滿地牧童歌

玉勾斜煬帝葬宮人處

莫怨他鄉死君王也不歸年年野棠樹花發路傍飛

呂茂良

一首

茂良字仲音崇德人貢士有陰芳園集

訪友西郭留飲草堂

金風吹急井梧稀訪舊郊原一叩扉商略枯荷包冷飯
丁寧吉貝補秋衣亦知東海栽桑近應訝南山種豆非
不用尊前更拘忌漢陰遺老已忘機

呂瞿良 二首

瞿良字念恭更字耕道崇德人有後死集

題仲兄邨居

負病因避世閒寂此荒邨卜宅斜臨水扁舟直到門隔
籬供芋栗在野察雞豚取次幽期熟真嗟市井喧

西湖柳枝詞

明詩綜卷八十一

四

白公隄畔段家橋垂柳垂楊拂画橈二百年來歌舞地
一時回首晚烟消

陳恪 一首

恪字子肅一字威如嘉興學生有瞿菴詩草

九日風雨作

風雨淹重九幽人得自娛東籬花罷采下若酒停沽已
免題餽字真成潑墨圖登高何處望新漲滿江湖

劉雲 二首

雲字師望長洲布衣有劉氏詩存

詩話師望詩體清
剛原出牧之東野

秋夜讀書

澄懷坐清夜虛堂生早涼遙岑吐明月天地皆秋光此時開我書心魂肅尋常古人不可招千載徒相望

九日懷楊明遠

今朝九日風雨急澗水活活喧戶庭青山可望不可即綠酒獨醉還獨醒籬落黃花自灼灼高天白鴈何冥冥故人夙約又虛度日斜剝啄還驚聽

鍾曉 二首

曉字人雅或曰淳厓不知何許人崇禎末流寓

崑山以醉死

詩話人雅混迹醜屢易姓名食鮮一飽而行吟不盡見巖窟墜粉蠶以所作題學寮書人爭惡之夏日沉飲大醉溺水死葉文敏公撰獨賞集錄其百篇謂風神絕俗比於初日芙蓉云

明詩綜卷八下

五

觀海

宦宦東南無際天秦時男女漢時船已疑徐福非方士復訝孫恩是水仙運石漫勞隨弱羽驅山須待借長鞭何人汗漫乘風去花發鶯啼不記年

春愁

虛館春愁鬢欲彫更綠多病暗無膠笋思出土猶藏甲柳學迎風漸折腰盡說黃金長不壞那知碧血最難消何須西上蘇臺望一笛殘陽舊六朝

夏古丹 一首

古丹不知何許人或云越人胡姓析姓為名住

來吳興疎山卒葬龍興橋畔有葫蘆藏臺

詩話古丹與吾鄉吳吳縣可黃項上舍子明結契是亦湖海之士詩如
春風明日動柳色上吳船晴雲一束山腰白秋色無多樹杪紅非下里
也音

春草

王孫歸路不分明
愁積天涯到處生
怪底女牆遮不斷
春風吹上越王城

顧子予 一首

子子吳人未詳其名有八水齋詩草

送管駟卿游白門

不共扁舟去騎驢
獨遠尋江分吳地
闊秋到石城深
明月他鄉夢
新蟬客路吟
幽期歸莫晚
菊酒待同斟

屠廷楫 五首

明詩綜卷八十下

廷楫字東蒙嘉興儒學生有待旦齋詩槩

詩話東蒙素心人樂天知命不戚戚於貧
賤風誼之美可勵薄俗詩亦有柴桑遺響

煙市

初陽散朝靄
曉色連州鄙
延首雙溪西
萬家但一氣
晨雞闐闐開
夕鐘闐闐閉
舜跖同營營
大哉飢渴計
化城良非遙
茲焉足小憩
試臨濠濮上
靜觀白鷗意

馬蘭

馬蘭不擇地叢生
遍原麓碧葉綠
紫莖二月春雨足
兒競采頰盈
絨更盈掬
微湯涌蟹眼
辛去甘自復
吳鹽點輕膏
異器共爨熟
物儉人不爭
因得騁所欲
不聞膠西守
飽餐賦杞菊
洵美草木滋
可以廢梁肉

米蠹

之蟲在園內我亦可憐蟲各食天地物等使飢腹充我
家八九口強半雜兒童日須五六升我計亦已豐恣汝
所食噉龜勉必汝供但恐秋風來竝罄響亦空我飢固
常甘汝徒將安從

秋邨雜詠 二首

背郭龐公宅秋風長薜蘿琴書存斷闕戎馬少經過厨
欲同香積門寧直雀羅躬耕與挾策所得兩無多
東菑收霽雨茅屋上新煙暝色林梢盡秋聲郭外先感
時紈扇屏隨意葛中偏坐對山花晚淒涼憶去年

錢熙一首

明詩綜卷十下

七

熙字漱廣嘉興縣學生有思存集

春日風雨

小屋高林雨氣微游蜂衝濕負香歸可憐樹樹花千朵
剛被春風一日飛

沈之琰一首

之琰字琬倩吳縣人崇禎中內閣辦事中書有

退翁遺稿

西湖

微雲澹澹碧天空叢桂香生細細風百頃西湖一明月
此身已在廣寒宮

朱睿一首

睿字英袖海寧人有西園集

秋興

百萬貔貅戰力微城南秋士旅魂歸陣雲薄暮迷征騎
落日西風偃大旂幾見道通司馬檄徒聞血污侍中衣
秦關漢塞音塵絕聞道南昌又被圍

郭良史 二首

良史字野臣益陽人都御史都賢之子有燹餘

昔夢婦夜牕雨今也殊

夢婦行

昔夢婦夜牕雨今也殊
羅機杼昔夢婦但短髮今也殊
施六珈昔夢婦恒潛身今也殊
出拜人昔夢婦出辭緩

明詩錄卷八下

今也殊訴夫短

朱仙鎮岳鄂王廟

鄂王自分黃龍飲誰料朱仙拔戰營信誓河山歸狴犴

古祠松柏付駭聽悲來涕淚無今古事去君臣失合并

辛苦中原諸父老壺漿虛費馬頭迎

毛晉 二首

晉初名鳳苞字子晉常熟人有野外詩卷

詩話隱君問業於

經十七史以及詩詞曲本唐宋金元別集稗官小說靡不登雖公諸海

內其有功於藝苑甚鉅韻語有和古人詩和今人詩大約

和平之音無饒肝鉅腎之苦今從野外詩叢中錄其三律

過徐元歎落木菴

十年離舊榻賀九又重登山翠連郵合花香繞屋疑尋

僧過略約呼酒洗瘳藤重覓題詩處苔封厚幾層

移竹編籬

活竹移來帶野泥安排疎影與檐齊歸鴉頓失常栖處
穉子難尋舊釣隄曉露潤生根畔草晚風吹斷隔鄰雞
老僧相伴逢迎少話到斜扉落日低

黃 伋一首

伋字細侯徽州人仕為游擊

詩話細侯四品最高疎樹斷橋秋光
滿紙宜其有不學未於菟之句也

題畫

秋霽愛登臨歷歷亭臯路不學米於菟模糊雨中樹

東蔭商一首

明詩綜卷八下

蔭商字雲雛華州人

九

春風燕市逢韓雨公

春風燕市馬蹄間道左相逢並解顏小弟鄉園臨渭水
與君遙隔首陽山

蔣雯階一首

雯階字馭閱後更名平階字大鴻嘉善縣學生

詩話馭閱海士高弟力還
正始未免為格律所拘

范季友邀飲吼山陶氏園

川原於越地風物永和時花塢陶公築蘭舟范叔移百
年新締構一代舊招提峻閣憑霄迴雕闌倚石危尊疊
傾北海詞賦溢南皮萬壑當牕見千巖向晚披拂雲歌

去緩坐月酒行遲支遁情深切劉伶死不辭人從花底
散路入夢中疑何日滄洲興重來倒接羅

姜廷梧一首

廷梧字桐音紹興山陰人

歲暮寄馳黃

春賦六言入士對吳楚自山出

花暗春城急管吹提壺同醉水仙祠空迴南浦青絲絳
曾折西湖碧柳枝亭畔寒梅前夜發江南水雪暮冬遲
離居悵望雙魚杳徒倚高樓有所思

徐崧一首

崧字嵩之吳江人

崧字嵩之吳江人

客感呈客菴禪師

明詩綜卷十

十

日日孤城內秋深木葉稀田家綠郭住溪鳥傍山飛碧
浪圍紅樹丹厓入翠微故鄉三百里瞻望未能歸

戈如珪一首

如珪字汝信吳縣人以孝行旌

舟泊丹陽城下

和寒林僧寄錢山南水雪暮冬

風雨疾如矢孤舟不可前離鄉身更賤作客夜如年城
古無春色沙平積暮烟吹簫人去後吳楚自山川

錢光緒一首

光緒字聖月寧波人

題丁原躬画

原躬字聖月寧波人

依依平楚遠黏天幾點青山斷忽連春水夜來萬似翠

柁樓

柳梢煙

褚連時一首

連時字青還嘉興縣學生

詩話青還志士五壑不忘詩非所發宮詞一首可以嗣學仲初

崇禎宮詞

日日南薰廣殿風
甕缸初進海榴紅
新調於變時雍曲
詠許中書譜殿中

黃偉成一首

偉成字位中徽州人補杭州府學生有秋鳴集

姑蘇楊柳枝詞

武丘西去接關津
長短亭前濯濯新
煙雨迷離寒食節

明詩錄卷八下

十一

不須分手也沾巾

程家塾

家塾字公衡歙縣人補江寧儒學生有稼室遺

臺

九日書感

天時人事謾相猜
秋雨中秋宵駭疾
雷民命久隨征戍
盡花枝猶傍戰場
開徒傳鶉首張仙
樂誰向昆明辨劫
灰自念暮年遭喪
亂頻看短劔引殘
杯

陳鴻一首

鴻字叔度候官人有秋室篇

題田家壁

十畝五畝園三株五株樹荷鋤日暮歸犬吠門前路周

士云諳不求
深是唐遺響

路澤農 一首

澤農字安卿曲周人

立冬日洞庭山社集看菊

三吳秋盡不知寒黃菊經霜尚未殘鄉里衣裳少新製
草堂詩酒任交歡十年旅夢悲王粲隔代風流憶謝安
且向花前拚一醉洞天福地此中寬

何其漁 二首

其漁字樵仲邵武建寧人

周元亮云樵仲詩有
若思誦之音韻冷然

梅口待渡

明詩綜卷八下

十二

野曠微風起白蘋邨居三里若比鄰江干風冷秋山暮

立盡殘陽無渡人

碧簫洞

石橋宛轉竹檀欒松露侵衣夜未乾三十六峰秋一色

碧雲吹出洞簫寒

程奎 一首

奎徽州人貢士

詩話崇禎癸未湖廣巡撫宋一鶴敗家屬沒官有妾金陵陳氏以色藝
聞門客王屋聘焉謝參政上選先期娶之奎因作詩嘲笑一時爭傳誦

云

即事

歌舞叢中度歲華一朝忽去抱琵琶前身定是烏衣燕

不入上家入謝家

胡 或一首

或字蕭生容城人有魏林吟橐

春堤即事

芊絲翠色鎖灘頭無限煙波一望收僧舍全依雲外塔
人家半跨水中樓過橋草淺堪藏鴨近海沙平好狎鷗
多少春情供画笔天然橫幅李營丘

趙 漸 二首

漸字砥之吳江縣學生隱居不仕鄉人私謚貞
孝先生有和雪堂草

夜泊青芝山下遇雪懷俞無殊

明詩綜卷八下

十三

孤艇依荒岸濤聲卷雪來故居洞口凍樹鎖池隈獨
剪虛牕燭頻傾濁酒杯還將篷底夢先繞嶺頭梅

虎洞訪吳茂申不遇喜晤俞無殊徐嵩之

絕壑藏高士梅花此日尋到門山屢換入座樹逾深人
已探雲去泉仍響澗陰依然逢野服高詠出重林

蔣 人一首

入字公凡一字昭遺嘉興人

惠陽除夕

十年當此夕強半在天涯異地重為客殘冬未到家歌
聞蠻調苦燭暗海風斜更見梅花發能無感歲華

杜 涇 二首

滑字晚實一字鄰若嘉興人

塞上

旌旗當落日絕塞陣雲橫
曉角驚寒鴈孤烟照暮城
河水驅馬渡隴草逐人行
戰骨悲沙漠年年古北平

閨思

良人遠戍玉門關
十載烽烟尚未還
縱使裁書寄歸鴈
春風飛不到陰山

何園客一首

園客字閻仙海鹽人

詩話閻仙貧士賣画爲活元日之作恚焉傷深

元日

明詩綜卷八下

十四

幽居鄰碧里淑氣轉青陽
老畏今朝至貧看去日長衣
裳任顛倒兒女異存亡
誰惜頭如雪棲棲尚道傍

姚佺一首

佺字仙期秀水人居於吳

詩話仙期復社舊人以景陵流派盛行特選李何王李四家詩發雕以行然人罕有宗之者聞鵬一絕極其悽惋昔宋南渡李御史粹伯莘謹璧詞云杜鵬只管催歸去知渠教我歸何處哀音亦相同也

聞鵬

何事催歸鳥鈎輶喚我頻
故園經戰後歸去巷無人

陳璉一首

璉字虬似德清人有草亭集

藝菊

偶愜陶公興分首和土培疎籬隨意補曲徑恰宜栽
遲暮三秋感芳菲九日開還將桑落酒重泛竹根杯

吳懋謙 三首

懋謙字六益松江華亭人

朱伯虎云六益雋上之才託跡林泉荒茅叢篠泥水自敲雅多

懋謙振刷濃纖譎麗之習躋於和平之音與天寶大曆鴻烈競爽魏楚白云六益五言未盡本於建安而筋力出諸作者之上

白紵歌

美人含嬌出賓筵羅衣珮玉綺疏前華歌妙舞私自憐
雙舉皓腕趨冰絃繁聲急節凌雲烟西飛白日東流泉
春花彫落秋風旋願君歡樂及盛年

遊橫雲山作

徘徊橫山上還顧望四野黃雲西北馳清江東南瀉城

明詩綜卷八下

十五

關何嗟峨山河亦豔冶俯仰心自哀悲歌不忍下時哉
不可違豈無英雄者

古別離

浮雲蔽萬里遊子暮何之尊酒送行人誰知我心悲微
風時南來飄颺桃李枝羣卉欣就榮何能及後時人生
天地間一別安可知繁霜被四野明星正參差攬衣立
前庭徘徊望所思努力君自愛賤妾情不移

王風 一首

風初名翰字二飛自號廢夫宿松人

擬讀曲歌

背簪茉莉花敲斜倩郎正儂是鏡中花郎是花前鏡

張光裕 一首

光裕字特儒宿松人

野望

行行日將夕驅馬欲何之地久長安遠人還太室遊接
天江霧塞撼木野風悲一望愁無際長歌采蕨詩

孫一騶 一首

一騶字天卿秀水人拔貢生有硯隱居集

重過高工部寓公西園

十畝閒園舊板橋道南重過黯魂銷秋花黃蝶猶成隊
曉露紅蘭惜易凋事去英雄時坎珂年來車馬巷蕭條
靈均一去何由返空對江潭賦大招

明詩綜卷八下

十六

季孟蓮 一首

孟蓮字叔房無為州人

詩話宗禎年有刊王季孟評友夏等八家詩以行者叔房殿焉今之見者非訛其打油輒以之覆覆矣從論紙中擬叔房間嘗作因刪其累句

聞鶯

林深縱屢遷亦知所止處獨自語緝蠻池塘留小住梧
桐葉底風楊柳枝上露恣汝擲金梭如何來又去

李焯 六首

焯字亦茂嘉善人

雜興 四首

天天桃李花雜生丘墓間丘墓多陰風桃李難成妍幽

蘭庭深谷草棘相糾纏亮無容光照微芳不足宣

仲冬日晷短玄雲四面垂援琴當戶坐淒風繚繞之三
變入苦節泠泠聲轉悲梁塵自零亂積雪飛參差攬袂
拭流涕玉顏不可持推琴還入房含情當告誰

豫讓易姓名漸離混傭保奇志苟不伸舍垢何足道一
尺報所知百年付蒼昊豈不長苦辛所欲非壽考人生
憂患中稱心亦為好無以松柏萎零落同腐草
羲和正中天晚晚傾日車一馳濛汜間誰揮魯陽戈輕
薄游閒子車馬紛相過秉燭夜行游及時酣且歌樽酒
自言甘意氣自言多仰視北斗闌明發當奈何

東飛伯勞歌

明詩錄卷八十

十七

東飛伯勞何處棲西烏夜夜空自啼誰家窈窕當爐坐
翠羽雀釵向君墮年紀二八面發紅天桃婀娜臨輕風
落花片片東西路何由飛翻復上樹

春閨曲

碧玉堂前柳絮飛白狼河外信音稀征夫不及營巢燕
歲歲春風一度歸

魏禮一首

禮字和公寧都人

靈巖

靈巖高峙太湖東一望波光映碧空多少禪房花竹裏
游人只憶館娃宮

張履祥 一首

履祥字考父桐鄉縣學生

詩話考父撰有楊園備忘錄其講學一以鹿洞為師
仁宅義根言規行矩間作韻語不洽安樂高頭中語

題屠處士爨邨居

霍原六聘山焦先三詔洞漁子定迷津只莫桃花種

董樵 三首

樵字亦樵萊陽縣學生

詩話董生高蹈之士甲申後徙居文登海濱日荷篠入市易米人莫知其住處縣有紳士要於路欲與語生棄薪道左詭云吾科頭當取冠與公揖竟去日暮不復來紳士取薪薪以歸曰此高士所遺也生從此不復入市其詩合騷揄雅惜不多傳

詠懷 三首

蘭生託層巖幽獨鮮人知正當揚葩候所遇非其時采

用詩經卷八下

采桃李花乃在山之蹊豈不豔目前難免達士嗤珍重

語國香長守貞潔姿

朱明運徂謝金風來何早肅殺氣一變蕭蕭摧百草百

草不自立隨風任顛倒顧瞻芙蓉花顏色轉妍好祇恐

鷓舌鳴芳菲難遽保亦有美樅柯亭亭出物表

黃塵蔽屨市步出西郭門悲風四面至白日為之昏鶴

鷓傍我啼虎豹向我蹲雖無啞人意其視叱咤然吾無

太陰弓難使惡鳥翻我無湛盧劍莫驅猛獸奔傍徨覓

歸塗雲煙隔通津安得貫月槎乘之入星源

五 巖 一首

巖字築夫寶應人有白田集

詩話葉夫肆力為古文辭要以醇樸勝若惟恐其文之工者頗有類於穆伯長柳仲塗尹師魯石守道諸家賦詩不多源本杜世

送雷伯籲之鹽場

壯心銷欲盡流落又東行
晚歲愁飢渴窮途別友生
人煙依海市沙鳥汎潮聲
此地藏名好渾忘世上情

周容 二首

容字鄭山寧波人有春酒堂選臺

行路難

餐晚食逾甘見疎交得久
明月不嘗圓牽牛不嘗耦
古

李釣臺作

江潮去自杭江流來自發
兩山相縈抱誰辨江來去
挂

用詩錄卷十下

十九

帆過頃刻抽帆守晨暮清風不下山
長拂亭前樹

李沂 十二首

沂字子化別字艾山晚自號壺菴揚州興化縣

學生有鸞嘯堂詩集

宗子發云艾山與物無忤酒酣益覺溫克偶有感觸寓之於詩往往迷於神仙

家言冲雅澹遠

詩話陸禎問詩家多惑於竟陵流派中州張瓛客暨弟崑客避寇僑居昭陽每於賓坐論詩有左袒竟陵者至張目批其頰是時艾山特欣然

相接故昭陽詩派不墮茲聲皆艾山導之也

送陸蕙晦

挺挺梧桐樹託根泰山岑
良工一朝遇斲為堂上琴
我友之海上三載賞高深
今當旋舊墟發聲為我吟
初歌
淶水曲再鼓清商音
四座忽惆悵俛仰內賞心

冬日同縣圃過子發齋中酒闌登拱極臺眺望

歲暮百感集孤居增鬱陶我友久離析茲晨遠相招杯酒興未終白日隱層霄送子越煙浦溯洄乘小舸遙望城北隅高臺正嵯峨登臨忽慷慨感此故業彫興廢在一瞬得失誰能操流淚四顧望衰草遍寒郊極目無人跡曠野何蕭條

騷風皇皇自言崇節未平外純之再三故音

水邑資舟航利涉自疇昔居民至皓首未覩車馬跡頃遭旱魃虐洪波化原隰魚鼈悉播遷蛟龍渺蕭瑟起視四境內長耳忽充斥健者爭馳驟跛者亦努力日有數百頭清曉城南集駟僮立門戶漁利司出入穉子競揚

用詩餘卷之二

子

鞭長年坐歎息秋深連日雨河流添一尺羣驢無所施岸草閒共說驅之適他方散去何倉卒念此菰蘆中素非爾所歷時事雖有然恒理不可易

聽楊懷玉彈琴歌

楊君善彈思皇操自言崇禎末年作強之再三始肯鼓拂絃沈吟意不樂引商振角時叩宮八荒蕭滅迴悲風天地愁慘白日凍啾啾鬼哭空庭中絃鳴指咽絕復生曲終激烈多壯聲四座慷慨不能平楊君彈罷淚縱橫楊君早年西蜀豪素精馬槊兼弓刀三巴健兒誇好手一生好著團花袍是年天子開明堂臨軒三歎古樂亡或薦楊君通律呂徑來天上調宮商鼉翻蛟躍乾坤改

垂老飄飄適東海千金囊橐散無餘惟有內府琴猶在
陽山客舍長莓苔重門小院碧桃開靜檢道書春寂歷
細爇柏子雲徘徊滄浪之水何清清波底墜雪白鷺明
布帽青鞵又西去日暮相思空復情

贈魏叔子

魏生嶽崎目如電董子祠傍忽相見豫章國士天下聞
生不逢時且貧賤東西奔走非無故側身海內求英彥
即今屠釣豈無人常恐摧頽筋力變握手數語露肺肝
別我西歸尋考槃子之往今各努力歲暮雨雪江風寒
送雷伯籲移居樊汭

積水寒仍漲荒城海氣侵故人重避地此別最驚心野

明詩綜卷十下

五

竄名流盡煙藏釣艇深今宵尊酒意斟酌為知音

喜平菴病起

憔悴緣兄病冬深喜漸蘇自來簷下曝不用小童扶老
被文章累貧愁藥餌無憐才二豎子有意活窮儒
不邨夜
野老茅堂外中宵倚戶看一輪明月墮萬里大江寒
魁青林嘯蛟龍碧海蟠愁多不成寐風露夜漫漫

夜

委巷人聲寂高齋夜氣清亂鴉塗暝樹列宿動寒城漏
遠聽頻斷燈殘剔乍明鬢邊霜雪滿慚媿學長生

客舍遣懷

江城畫角起高秋漸覺霜威冷石頭長夜河山羞短鬢
故人風雨入新愁庭空野水蒹葭老歲晚他鄉芋栗收
頗怪薄遊成汗漫朝朝天際有歸舟

采蓮曲

蓮塘三十里四面起清風鴛鴦飛不去只在藕花中

張鳧客至自河南

布衲蕭蕭物外身亂歸梁苑幾經春只今誰似張公子
遠歷山川爲故人

雷士俊

六首

士俊字伯顓涇陽人僑居江都有艾陵詩鈔

欲雪

明詩錄卷八下

三

今歲愁多雨冥冥此夜陰風依寒樹起月隱暮雲深已
覺河冰合還看柳絮侵酒酣應有作自付惠連吟

廣陵送姊夫張六息歸關中

二首

君又故鄉去惟予尚未歸丹楓飄颯颯白露冷霏霏歲
月衰容改兵戈短札稀三杯岐路別相對淚沾衣
楚塞風塵暗秦關道路長離情同此日會面更何方警
急新烽火蕭條舊戰場中原經到處眺望幾淒涼

安豐九日卽事兼寄王篋夫

無處登高去柴門只書關遙知同學侶應已上平山僻
地黃花少佳辰濁酒艱牀頭書幾卷坐誦破愁顏

哭六弟敬直

今日吾昆弟堂前少一人姓名登鬼錄魂魄寄江濱素
慢侵寒月丹旌落暗塵空閨遺一女嗚咽淚沾巾
高堂垂白父老力已難支每飯常防鯁衰年再哭兒蕭
蕭秋葉落浙浙曉風吹稻熟新應薦薦愁看滑滿匙

市陶陶激七首

近日三激字季深寶應又有舟車集

入壺口關

壺口關

地絡蟠三晉關門控兩河舊傳山國小新築塞垣多候

吏無烽燧居人有薜蘿不圖天下脊今日馬蹄過

送客之武昌

勝地推南郡空江接太荒樓船倚橫吹山郭閉殘陽濁

明詩綜卷十下

三五

酒當壚滿嘉魚入饌香相過正春盡煙樹各微茫

沉陂

久愛南陂好今乘放鴨船激紋元不定菱葉正相牽細

雨侵衣濕迴風著帽偏紅葉易零亂敲立最堪憐

江陵過龍灣市

近日三鷗寺誰參百丈禪樹猶依斷壁花不散諸天小

市方祠鬼荒湖忽聚船歸塗望城郭重省夕陽邊

兖州曉發

郭外連山暗林間宿霧收信知東郡好何處覓南樓

故宮詞

故宮詞

水殿風搖楊柳絲先皇朝罷獨憂時抽毫却寫賢臣頌

面敕中涓賜主兒

自注故宮人左氏今為民間沈永婦能言掖庭舊事云宮中稱皇太子曰主兒

慈寧宮禁老莓苔元日驚傳法從來上下隔簾遙拜畢

六龍飛輅一時回

鑄安張后居慈寧宮帝朝后不相見於簾內答兩拜

姜安節一首

安節字勉中萊陽人給事塚長子給事葬戍所

安節因徙家宣城居墓傍卒同人私謚曰孝明

有永思堂詩鈔

泊寶應

河伯由來悍秋霖勢更張屋沉餘井竈樹滅辨微茫萬里湖天闊千村稼穡荒農家無佳處草舍架官塘

明詩綜卷十下

五

明詩綜卷八十下

里水風堂詩鈔

由來悍秋霖勢更張屋沉餘井竈樹滅辨微茫萬里湖天闊千村稼穡荒農家無佳處草舍架官塘

明詩綜卷八十下

里水風堂詩鈔

由來悍秋霖勢更張屋沉餘井竈樹滅辨微茫萬里湖天闊千村稼穡荒農家無佳處草舍架官塘

由來悍秋霖勢更張屋沉餘井竈樹滅辨微茫萬里湖天闊千村稼穡荒農家無佳處草舍架官塘

明詩綜卷八十下

里水風堂詩鈔

由來悍秋霖勢更張屋沉餘井竈樹滅辨微茫萬里湖天闊千村稼穡荒農家無佳處草舍架官塘

明詩綜卷八十下

